

**Leeter masa Pawl ma
wuzlalatar a
Rawma hay
Mey da ray**

Leeter ngada Rawma hay

Pawl ma wuzlala leeter keɗe na, ta daw aa berney nga Rawm daa ba arañ. A wuzlala na, daa masa anɗa daa mepɔkey anɗa nga dey maakar. A wudɗey nga daw a Rawm nga vɔltar gɔɗañ a ndɔhay fetede. Fa dɔɓa ha, a wudɗey ndɔhay da Rawm a jɔnmara nga daw aa hwayak mekele. A wuzlala leeter e na, da way Gayus da Kwarinti (16.23). Ara Febe, ngwas ma jɔnta ndɔhay daa mecɔmey-ray nga ndɔhay nga Yesu da Senkɔre, slala masa gweegwe ta Kwarinti, ma handa leeter e a Rawm (16.1-2).

Daa leeter e, Pawl a wuzlalatar da ray meesɔrkedey anɗa da ray Yesu. Da ndaw a wudɗey nga njey maaya fa mey nga Gazlavay na, si a pa Yesu nga ndaw anɗa fara fara gway, ba na, cek mekele daa ba (1.17).

Daa mecɔmey-ray nga ndɔhay nga Yesu da Rawm na, Jɔwif hay daha, asaya, ndɔhay masa Jɔwif hay ba hay daha. Jɔwif hay a fa sɔpmara kwakwas ata cɔnɗa. Ndɔhay mekele mekele a wulkam ndɔhay masa Jɔwif hay ba hay si a sɔpmara kwakwas nga Jɔwif hay may. Pawl a lɔvey, kwakwas nga Jɔwif hay na, a lɔhey ndaw ba. Nga lɔhey na, si ndaw a tɔɓa mey nga Yesu

ta gədanŋa nga Mesəfney nga Gazlavay. Ara daa fasəlawal 1 haa 8 Pawl maa guzley anda kefe.

Daa fasəlawal 9 haa 11, Pawl a lövey kwa har-gədanŋa nga Jəwif hay a təbmara mey da ray Yesu ba na, a wulkey pas pal na, a təbmara la.

Daa fasəlawal 12 haa 16 Pawl aa guzley da ray menjey nga ndəhay nga Yesu daa Egəliz len da wuzlah ndəhay da bəla. Pawl a ndəvda leeter e na, ta mecey-har a ndəhay ga.

Daa dərewel e kefe na, mey mekele mekele daha nga vəley gədanŋa a ndəhay:

Mey da ray meləhey daa mebərey (3.23; 6.23; 10.9)

Mesəfney nga Gazlavay a jənta ndəhay daa menjey ata (8)

Cek masa ndaw ma da hətar maja anŋa maaya fa mey nga Gazlavay (5.1-5)

Mey da ray menjey ta mewudəy-vaw (13.8-10)

Mecey-har

¹ Ara yah Pawl ma wuzlalakwara leeter kefe. Yah ndaw ma ka sləra nga *Yesu *Kəriste. Ara *Gazlavay ma walaya nga key *ndaw-meslərey nga Yesu, a paya nga wuzey mey anŋa maaya mawiya.

² *Mey-maaya-mawiya ha na, Gazlavay a lövey dəga zleezle a da slərdərwa ta fa ndəhay ma təla mey anŋa. Mey nga ndəhay ma təla mey anŋa ha na, mawuzlalakaya daa dərewel nga Gazlavay.

³⁻⁴ Mey-maaya-mawiya ha na, ara mey da ray Bay aləkwa Mahura Yesu Kəriste, Bəzey nga Gazlavay. A tərey nga

ndaw-magədan, a yawa daa səkway nga Bay *Davit. Ama Gazlavay ta wuzdərwa la fara fara, ara Bəzey anğa masa ta gədan daa masa anğa ma sləkdəderwa daa meməcey ta gədan nga Mesəfney anğa. ⁵ Gazlavay ta wuzdiwa maaya anğa la ta fa Yesu Kəriste he. A paya nga ndaw-meslərey nga Yesu amba ya wuzdatara Mey-maaya-mawiya a ndəhay daa səkway hay wura wura cəpa. Ya wuzdatara na, amba ndəhay a, a təbmara mey anğa, a namar ray. Anda kefe, ya fa həslar ray a Kəriste. ⁶ Akwar Rawma hay may, akwar da wuzlah ndəhay a ngene, maja Yesu Kəriste ta zəlkwār la nga tərey ndəhay anğa hay.

⁷ Ya fa cakwar har, akwar ndəhay cəpa da *Rawm, akwar masa Gazlavay ma wuzkwār kalah. Gazlavay ta zəlkwār la, ta tərdaqwar la nga ndəhay anğa hay.

Anja Papa aləkwa, Bay Gazlavay, ta Bay aləkwa Mahura Yesu Kəriste nga pəsmakwar mey, asaya, nga njadamakwar daa zazay.

Pawl a wufey nga daw nga nəktərwa Rawma hay

⁸ Yaw, teesef na, ya fa kar suse a Papay Bay Gazlavay ta fa Yesu *Kəriste maja akwar tabiya. Ya fa kar suse he na, maja ndəhay da bəla tabiya fa zəldamakwar sləmay maja akwar ma təbmara mey nga Yesu Kəriste. ⁹ Gazlavay a səra, daa masa ya fa dərey dangay na, ya fa sərfadakwar.

1:3-4 1.3-4 Mt 1.1; 20.30-31; SNM 13.33; 2Tm 2.8 **1:5** 1.5 11.13; 15.15-18; Gal 1.1; 2.7, 9 **1:7** 1.7 zazay: 5.1; 15.33; 16.20; 1Kwr 7.15 **1:8** 1.8 16.19; 1Tes 1.8

Ya fa kar slëra ta mevel pal daa masa ya fa wuzda *Mey-maaya-mawiya da ray Bözey anğa.

¹⁰ Ya faa cëfda mandaw mandaw daa medërey-dangay adaw amba a vëlya cëved nga daw fa akwar anda aa ma wudëy. ¹¹ Ahaw, ya wudëy fara fara nga hëtkwar fa dey amba ya vëlkwar gëdan ma sawa ta fa *Mesëfney nga Gazlavay. Anda kedë, ka da hëtam gëdan ma fëna ma fëna daa cëved nga Yesu. ¹² Ya wudëy nga lövey na, ya da daw fa akwar a na, amba ya jënkwa vaw nga vëley gëdan da wuzlah alëkwa. Anda melövey, ya da hëtey gëdan maja akwar ma tëbmara mey nga Yesu. Akwar may, ka da hëtam gëdan maja yah ma tëba mey nga Yesu.

¹³ Mëlma adaw hay, maaya na, ka sërmara ya ta wulkey la dey ga nga daw fa akwar, ama ya ta hëtey har nga daw daa ba aran. Ya wudëy nga daw fa akwar a na, nga kawa slëra nga jënkwar nga daw fa mey fa mey daa cëved nga Yesu anda yah ma jëntërwa ndëhay daa hwayak hay mekele mekele may. ¹⁴ Si ya wuzda Mey-maaya-mawiya a ndëhay tabiya, kwa ngada ndëhay daa berney hay nga Gërek hay, kwa ngada ndëhay daa slam hay mekele, asaya, kwa ngada ndëhay ta lengesl ma sëra cek, kwa ngada ndëhay ma sëra cek ba. ¹⁵ Ara maja ngene, yah ma wudëy nga daw fa akwar Rawma hay may nga wuzdakwara Mey-maaya-mawiya.

Mey-maaya-mawiya aa ta gëdan nga löhey ndëhay

16 Ya fa da zlurey nga wuzey *Mey-maaya-mawiya na, daa ba, maja Mey-maaya-mawiya aa ta gədan̄ nga Gazlavay nga ləhdata ndəhay ma pamara Yesu nga ndaw ata fara fara daa mebərey. Gazlavay a ləhey teesed̄ na, ndəhay *Jəwif hay, fa dəba ha, ndəhay masa Jəwif hay ba. 17 Mey-maaya-mawiya na, fa wuzdərwa Gazlavay a nəkta ndəhay, ata maaya fa mey an̄ga na, kwara. A da nəkta ndəhay, ata maaya na, ta fa ata ma pamara Yesu nga ndaw ata fara fara gway, ba na, cek mekele daa ba. Ara anda mawuzlakaya daa dərewel nga Gazlavay, ma ləvey: «Ndaw masa maaya fa mey nga Gazlavay na, ara ndaw ma pa Gazlavay a nga ndaw an̄ga fara fara. Anda keḏe, a hətey heter mendəvey ba la.»

Ndəhay tabiya ata ta mebərey na, maja me?

18 Gazlavay da vad̄ fa cey mevel da ray mebərey nga ndəhay magədan̄ tabiya. Ata fa kam cek hay malamba ngada ndəhay, a namar ray a Gazlavay ba səlak. Anda keḏe, Gazlavay a da katar sariya maja ata fa təkмата ndəhay siya nga sərey mey masa fara fara da ray Gazlavay.

19 A da sərdata banay maja cəved̄ mawuzdakaya maaya maaya cay ngada kwa waawa amba a sərey cek da ray Gazlavay. Ara Gazlavay a, ray an̄ga, ma wuzdatara cəved̄ e fa mey ata. Ama ata ta səpmara cəved̄ e daa ba. 20 Fara

1:16 1.16 2.9; SNM 13.46; 2Tm 1.8; 1Kwr 1.18, 24 **1:17** 1.17 3.21-30; fasəlawal 4; 10.4-13; Hab 2.4; Gal 3.9-12; Fəl 3.9; Heb 10.38 **1:18** 1.18 2.5, 8; Ef 5.6; 2Tes 2.12 **1:19** 1.19-20 Jəw 12.9; Ps 19.2-5; SNM 17.27-28; 1Kwr 1.21

fara, ndaw a gwa nga hɔtar Gazlavay ta dey ba, ama dɔga anɔa ma lɔma bɔla haa wure kedɛ, ndɔhay a gwamara nga sɔrmara ta fa cek hay masa anɔa ma katɔrwa. Cek hay a na, fa wuzdɔrwa Gazlavay aa ta gɔdanɔ mendɔvey ba nga sɔrmataw, asaya, anɔa Gazlavay Mawacawaca. Anda kedɛ, fa mey nga Gazlavay na, mey ata nga wurey amba Gazlavay a sɔrfatar dey-ceceh fa mebɔrey ata na, daa saba. ²¹ Ndɔhay a fa sɔrmara Gazlavay na, daha. Ama a namar ray ba, a kamar suse ba anda ara Gazlavay ata ba. A wulkam na, a ray cek hay nga tede. Ata na, anda ata daa lɔvanɔ maja cek maaya ta maaya ba na, a sɔrmara ba. ²² A pamara ray ata nga ndɔhay ta lenɔesl ma sɔra cek, anɔa ara ndɔhay manɔarlenɔesl. ²³ Gazlavay masa ta gɔdanɔ, ndaw masa ta dey nga sɔrmataw na, ata fa namar ray daa ba. Sasɔkar a nam ray na, nɔgada cek mavɔdkaya ta bɔrey anda ndaw-magɔdanɔ masa ma da mɔcey jak. Asaya, a nam ray na, nɔgada cek hay masa ata ma vɔdmata ta har ata hay aa slam a nga dɔiyanɔ hay, aa slam a nga cek hay masa salay mɔfad lenɔ aa slam a nga zezekw hay.

²⁴ Ara maja nɔgene, Gazlavay ma mbɔkdata sem amba a kam cek hay ma ka hezey masa ata ma wudam. Anda kedɛ, fa nɔsmara vaw ata ta cek hay ma ka hwaray. ²⁵ Yaw, ta mbɔkdamara mey masa fara fara da ray Gazlavay sem amba a jɔkam slɔmay fa mey membɔrzley. A ragadam na, nɔgada cek hay masa Gazlavay ma katɔrwa jak, a namatar ray. Ama Gazlavay ta ray anɔa

masa ma katərwa cek hay a na, ta mbəkdamara sem jak. Anğa na, Gazlavay pal masa ndəhay ma da həlmamara nğa sərmataw. *Amen.

²⁶ Ara maja ngene, Gazlavay ta mbəkdata sem amba a kam cek hay malamba ma ka hwaray anda ata ma wudam kalah daa mevel ata. Nğusay a mbəkdamara meney ta zel hay anda maamandaw, a nam ta nğusay cəla ata hay. Ngene ara cek malamba, ara cek nğa key kəne ba. ²⁷ Zel hay may kəne, a mbəkdamara meney ta nğusay. A wudam na, si nğa nam ta zel hay cəla ata hay. Zel a ney ta zel cəla na, ara cek ma ka hwaray kalah. Anda keđe, fa handamawa banay nğada ray ata, təđe ta sləra ata maaya ba ha ngene.

²⁸ Ndəhay a ngene ta wudam nğa sərmara Gazlavay daa ba. Ara maja ngene Gazlavay ma mbəkdata sem amba a wulkam saw, a kam cek ta cəved e ba. ²⁹ Cek hay maaya ba daa mevel ata daha. Ata fa kam cek masa ta cəved e daa ba, fa sərdamata banay ta ndəhay, fa kam dey fa cek nğa ndəhay, fa kam maagway, fa kam səleŋ, fa kədam ndəhay vagay, fa kam baazlam da wuzlah ata, fa kam wewer fa cek nğa ndəhay, fa fəcam ndəhay. Asaya, ata fa slam mey a ray ndəhay, ³⁰ fa kam mbađa fa ndəhay, a wudmara Gazlavay ba, fa cədam vaw saw, fa zlapam, faa həmdamara ray ata. Mandaw mandaw ata fa səpam wewer hay mekele mekele nğa key cek hay maaya ba a ndəhay. A namatar ray

1:25 1.25 9.5 **1:26** 1.26-27 1Kwr 6.9 **1:27** 1.27 Lev 18.22;
20.13 **1:29** 1.29 Gal 5.19-21; 2Tm 3.2-4

ngada papa ata hay ta mama ata hay ba. ³¹ Ata manjar lenjesl, aa guzlam ta neneh cew cew, a wudam vaw pøreh, a søram dey-ceceh fa ndaw ba. ³² Ama, ata fa sørmara, ndøhay ma kam cek hay maaya ba anda ngene na, Gazlavay a katar sariya la. Ndøhay anda ngene hay na, ata tøde nga køfey vagay maja mebørey ata. Ta ngene he cøpa, fa kam cek hay malamba ma føna ma føna, asaya, aa hømdamata ndøhay mekele ma kam cek hay malamba anda ata.

2

Gazlavay a da katar sariya a ndøhay na, kwara?

¹ Jam adaw hay, da akwar fa mbødmatar ray a ndøhay na, mey akwar nga wurey amba Gazlavay a sørfakwar dey-ceceh fa mebørey akwar na, daa ba, maja akwar ta mebørey anda ata may. Da ka mbødmatar ray a ndøhay na, a key ngene, ka mbødam ray ngada akwar ray akwar, maja akwar fa kam cek maaya ba letek anda ata. ² Ya sørkwa Gazlavay a key sariya la, a da sørdara banay ta ndøhay ma kam cek hay malamba. Sariya nga Gazlavay a na, ara ta cøved e fara fara.

³ Akwar ndøhay ma kam cek hay malamba, ka mbødmatar ray ngada ndøhay mekele ma kam cek malamba anda akwar na, ka wulkam Gazlavay a kakwar sariya ngaa zøddakwar daa ba daw? ⁴ Gazlavay na, ara ndaw maaya, a sørdara banay ta ndaw fiyaw fiyaw maja mebørey

anğa ba. Anğa fa bəsa mebərey a, kaa ka rəsmara Gazlavay a jak na, kwara? Anğa ma kakwar maaya ngene na, amba ka mbəɸdamara menjey akwar, ba diya? ⁵ Akwar, ndəhay masa ray maŋgərdakaya ngene, ka wudam amba ka mbəɸdamara menjey akwar ba. Anda kedə, akwar fa cəhadamawa sariya nğa Gazlavay nğada ray akwar ma fəna ma fəna. Yaw, ta pas masa Gazlavay ma da cey mevel a ray ndəhay ta mebərey fara fara na, a da katar sariya təde ta mebərey ata. ⁶ A da pəlra mawurbay a ndaw a, a ndaw a, təde fa sləra maaya ta maaya ba masa anğa ma ka.

⁷ Ndəhay masa ma səpam nğa key maaya mandaw mandaw na, a wudam Gazlavay a həsltar ray, a njadata aa slam anğa mewedey, a wudam nğa hətey heter mendəvey ba. Gazlavay a da vəlda heter mendəvey ba ha na, nğada ata. ⁸ Ama ndəhay masa ma kam həma a ray Gazlavay, ma rəsmara mey masa fara fara, ma səpam nğa key cek hay malamba mandaw mandaw na, Gazlavay a cey mevel la ga a ray ata, a sərdada banay la.

⁹ Ahaw, ndəhay masa ma kam cek hay malamba na, a səram banay la ga, a təwam la. Ma da sərey banay teesəd na, ndəhay *Jəwif hay, fa dəba ha, ndəhay daa səkway hay siya tabiya may. ¹⁰ Ama ndəhay ma kam cek hay maaya na, Gazlavay a da həsltar ray, a njadata daa zazay aa slam anğa mewedey. A da ka kəne nğada

ndəhay anğa hay tabiya, teesed na, nğada Jəwif hay, fa dəba ha, nğada ndəhay daa səkway hay siya tabiya may, ¹¹ maja Gazlavay na, a weley ndəhay ta weley ba.

¹² Gazlavay ta wuzdara kwakwas anğa la a *Mawiz. Da ndəhay masa ma sərmara kwakwas a ba, a kam mebərey na, ndəhay a, aa zədfam la tabiya, ama a daa zədfam na, maja kwakwas a ba. Jəwif hay na, a sərmara kwakwas a. Ata may, da a zləbmara kwakwas a na, Gazlavay a katar sariya la anda kwakwas a ma ləvey. ¹³ Gazlavay a nəkta ndəhay, ata maaya fa mey anğa na, maja ata ma cəndamara kwakwas a ta sləmay daada ba, ama maja ata ma kamara cek anda kwakwas a ma ləvey.

¹⁴ Yaw, ndəhay mekele masa Jəwif hay ba, ma sərmara kwakwas nğa Mawiz ba na, ta pas lanğar ata ray ata fa kam cek hay anda kwakwas nğa Mawiz a ma ləvey cəngə. Anda keđe, kwa a sərmara kwakwas a ba na, ata fa sərmara nğa key cek hay ta cəved e cəngə. ¹⁵ Menjey ata na, fa wuzda Gazlavay ta wuzdatara kwakwas a sem, aa daa mevel ata. Asaya, ta pas mekele, mewulkey ata fa wuzdatara cek masa ata ma kamara maaya ta maaya ba. ¹⁶ Fara fara, pas pal Gazlavay a katar sariya la a ndəhay ta fa Yesu *Kəriste. Ta pas nğene, Gazlavay a da wuzdərwa mewulkey masa mabadakaya daa mevel nğa ndaw a, nğa ndaw a. *Mey-maaya-mawiya masa yah ma wuzda na, fa ləvey kəne.

2:11 2.11 SNM 10.34; Kwa 3.25; 1Pi 1.17; Jak 2.1 **2:12** 2.12
Mt 7.21 **2:16** 2.16 2.6; 1Kwr 4.5

Jəwif hay a sərmara kwakwas nga Mawiz ba na, maja me?

¹⁷ Kaa akwar *Jəwif hay na, kwara? Ka ləvam akwar na, Jəwif hay, asaya, ka wulkam ka ləvam cek hay tabiya ata ta cəved e maja ka sərmara *kwakwas nga Mawiz, ka zlapam ka ləvam akwar ndəhay nga Gazlavay. ¹⁸ Ka sərmara cek masa Gazlavay ma wufey, asaya, kwakwas nga Mawiz fa wuzdakwara cəved nga serey cek masa maaya ta maaya ba. ¹⁹ Ka wulkam na, ka gwamara nga wuzmatar cəved ngada ndəhay masa wulaf hay * daw? Asaya, ka wulkam na, akwar ndəhay ma wafamatar dey a ndəhay masa daa ləvan daw? ²⁰ Ndəhay ma sərə cek ba na, ka wulkam ka gwamara nga kətmata la daw? Asaya, ka wulkam na, ka gwamara ngaa sərkadamata bəza hay † daw? Ka wulkam anda kede maja ka ləvam kwakwas nga Mawiz ta wuzdakwara cek hay sem cəpa ta fa mey masa fara fara. ²¹ Ehe, jəkam sləmay, akwar ndəhay masa maa sərkadamata ndəhay siya, kaa sərkam ray akwar ba na, maja me? Akwar ndəhay ma kətmata ndəhay siya nga leley ba, kaa ka lalam na, kwara? ²² Asaya, akwar fa ləvmatar a ndəhay ka da lam vaw saw ba, kaa ka lam vaw saw saya na, kwara? Ka ləvam saya ka tam

2:17 2.17 9.4; Iz 48.1 * **2:19** 2.19 wulaf hay, ndəhay masa daa ləvan; Pawl a wufey ngaa guzley da ray ndəhay masa Jəwif hay ba masa ma sərmara Gazlavay ba. **2:19** 2.19 Mt 15.14 † **2:20** 2.20 bəza hay: Pawl aa guzley da ray bəza hay fara fara ba, ama da ray ndəhay masa ma sərmara mey nga Gazlavay maaya maaya ba aran. **2:21** 2.21 Mt 23.3-4; Jan 7.19

kuley ba, kaa ka lalamata cek hay da ver-kuley hay saya na, kwara? ²³ Akwar fa zlapam kalah, ka lɔvam ka sɛrmara kwakwas nga Mawiz, ama akwar fa zlɔbmara kwakwas a saya na, kwara? Anda keɗe, a key ka pamar hwaray a Gazlavay. ²⁴ Ara anda mawuzlalakaya daa ɗerewel nga Gazlavay ma lɔvey: «Ndɔhay siya faa guzlam mey maaya ba da ray Gazlavay maja akwar Jɔwif hay.»

²⁵ Akwar Jɔwif hay, ka lɔvam Gazlavay a sɛrkwar ta fa *mesley mandawal. Da akwar fa sɛpmara kwakwas nga Mawiz ta cɔved e na, mesley mandawal a, a jɔnkwar la. Ama da akwar fa sɛpmara kwakwas a ta cɔved e daa ba na, mesley mandawal a ara cek nga tede ngada akwar, fa da jɔnkwar daa ba.

²⁶ Anda keɗe, da ndaw mandawal manjar nga sley, a sɛpa kwakwas nga Mawiz ta cɔved e na, Gazlavay a nɔka ndaw a anda ndaw maslakaya mandawal ba daw? ²⁷ Da ray ngene, ndɔhay daa sɛkway hay mekele mandawal manjar nga sley masa ma sɛpmara kwakwas ta cɔved e, a mbɔɗmakwar ray la. A da mbɔɗmakwar ray na, maja akwar Jɔwif hay, akwar ta kwakwas akwar mawuzlalakaya, asaya, akwar fa slam mandawal, ama ta ngene he cɛpa, akwar fa zlɔbmara kwakwas a cɛnga. ²⁸ Ndaw a da sɛrey aɗga ndaw Jɔwif fara fara na, ta fa me? A da sɛrey aɗga ndaw Jɔwif fara fara na, ta fa cek masa ndaw ma gwa nga hɛtar ta dey fa vaw aɗga daada ba, anda melɔvey, ta fa mesley

mandawal daada ba. ²⁹ Ama ndaw Jøwif fara fara na, ara ndaw masa Gazlavay ma mbøfdara mevel anga sem. Ndaw maslakaya mandawal fara fara na, ara ndaw masa *Mesøfney nga Gazlavay fa key sløra daa mevel anga, ba na, ara ndaw masa ma søpey kwakwas mawuzlalakaya daada ba. Ndaw masa Jøwif fara fara na, ara ndaw masa Gazlavay maa hømnda, ba na, ara ndaw masa ndaw-magødanj maa hømnda ba.

3

Ndaw masa manjar mebørey na, daha daw?

¹ Da anda kefe na, *Jøwif hay a fønmeta ndøhay mekele fa mey nga Gazlavay na, ta me? *Mesley mandawal na, ara cek ma jøney ndaw daw? ² Ahaw, Jøwif hay a fønmeta ndøhay mekele na, ta cek hay ga. Teesed na, Gazlavay a vøldatara mey anga na, ngada Jøwif hay a. ³ Fara fara, ndøhay ga da wuzlah ata fa tøbmara mey nga Gazlavay daa ba. Kaa Gazlavay na, a mbødda mewulkey anga, a ka cek anda aa ma løvey saba maja ata daw? ⁴ Kay, fa da mbødda daa ba. Kwa ndøhay tabiya fa mbøzlam na, Gazlavay a da ka cek anda anga ma løvey cønga. Ara anda mawuzlalakaya daa ðerewel nga Gazlavay ma løvey:

«Kah, Bay Gazlavay, mey akah tabiya

ara mey fara fara ta cøved e.

Da ndaw aa dødfaka mey na,

ka gwa nga wuzda ara mebørey akah ba.»

2:28 2.28-29 9.6; Jer 4.4; Føl 3.2-3; Kwa 2.11 **3:2** 3.2 9.4; Ps 147.19-20 **3:3** 3.3-4 9.6; 11.29; Mesl 23.19; 2Tm 2.13 **3:4** 3.4 Ps 51.6

⁵ Da kwa ndəhay siya a da ləvam mebərey masa aləkwa ma kakwa fa wuzdərwa maaya nga Gazlavay na, ya da ləvkwa kwara? Yaa guzley kaa na, anda ndəhay magədan maa guzlam may. Kaa da Gazlavay a sərdandakwar banay maja mebərey aləkwa na, ya gwakwa nga ləvey Gazlavay a na, fa key cek ta cəved e daa saba daw? ⁶ Kay, kəne ba! Gazlavay na, ara ndaw ma key cek ta cəved e. Da Gazlavay fa key cek ta cəved e daa ba na, kaa a da katar sariya a ndəhay ta cəved e na, kwara?

⁷ Da kwa ndaw a ləvey, mekey cek ta cəved e ba na, fa wuzdatara ngada ndəhay Gazlavay ara ndaw maa guzley mey fara fara, nga wuzdərwa gədan anga. Da kəne na, Gazlavay a daa zəfdata ndəhay maja mebərey ata na, fa me dəba me? ⁸ Ndəhay siya fa ləvam: «Kakwa cek hay maaya ba amba ndəhay a sərmara Gazlavay na, ara ndaw maaya kalah.» Ahaw, a ləvam anda kefe ba, kwara? Kwa ndəhay siya na, faa guzlam maaya ba da ray adaw, a ləvam ya faa guzley anda kefe may. Sariya a təfdata ndəhay a la, təfe fa mewulkey ata maaya ba ha ngene.

Ndaw ma key cek anda Gazlavay ma wufey na, daha daw?

⁹ Kaa wure kefe na, kwara? Aləkwa *Jəwif hay na, ya fənmatakwa ndəhay siya hay daw? Kay, ya fənmatakwa ba səlak! Ya ta wuzdakwara cay, ndəhay Jəwif hay ta ndəhay masa Jəwif hay ba cəpa na, mebərey fa fəntar ray. ¹⁰ Ara anda

mawuzlalakaya daa d̄erewel nga Gazlavay ma l̄ovey:

«Kwa ndaw masa maaya fa mey nga Gazlavay na, daa ba,
kwa ndaw pal daa ba s̄olak.

11 Kwa ndaw masa ta len̄gesl ma s̄era cek na, daa ba,
kwa ndaw pal ma wud̄ey nga s̄opa c̄oved̄ nga Gazlavay na, daa ba.

12 Ata c̄opa ta mb̄ekdamara c̄oved̄ nga Gazlavay sem.
Ata c̄opa daa slam a ta mb̄ed̄mar d̄eba sem a Gazlavay.

Kwa ndaw ma key cek maaya na, daa ba.
Kwa ndaw pal daa ba s̄olak.

13 Mey ma bawa da mey ata na,
maaya ba anda c̄ovay mawurkaya ma zey.

Neneh ata na, fa t̄eknata nd̄ohay kalah.

Nd̄ovez nga mey ata na,
a k̄ed̄ey ndaw vagay anda mewer nga zezekw.

14 Mey ma bawa da mey ata na,
ara mey meed̄ewek e, ma n̄esa ndaw.

15 Salay ata na, fa h̄oldata nga wusey vaw fiyaw fiyaw
nga k̄ed̄ey nd̄ohay vagay.

16 Kwa daa wura daa wura daa mep̄ekey ata na,
fa n̄esam cek hay, fa s̄erdamata banay ta nd̄ohay.

17 Asaya, a s̄ermara ma handawa zazay
a wuzlah nd̄ohay ba.

18 Ata na, a zluram ta Gazlavay ba sɛlak.»

19 Ahaw, alɛkwa fa sɛrkwa, cek hay tabiya masa *kwakwas nga Mawiz maa sɛrkada na, ara ngada ndɛhay masa Gazlavay ma vɛldatara kwakwas a. Anda keɛɛ, kwa ndaw ma gwa nga wura mey amba a ɛfiya ray anɛa na, daa ba, ndɛhay cɛpa ta meɛɛrey fa mey nga Gazlavay.

20 Maja nɛgene, ndaw masa maaya fa mey nga Gazlavay maja anɛa ma sɛpa kwakwas nga Mawiz tabiya na, daa ba. Kwakwas a, a wuzwa na, meɛɛrey nga ndɛhay gway.

Nɛhay a da tɛram maaya fa mey nga Gazlavay na, kwara?

21 Wure keɛɛ, Gazlavay ta wuztar cɛved la a ndɛhay amba a pata nga ndɛhay maaya fa mey anɛa. Cɛved e na, kwa mey nga *kwakwas nga Mawiz da hwad a daa ba sɛlak. Ama kwakwas a, leɛ ndɛhay ma tɛla mey nga Gazlavay taa guzlam la da ray cɛved e dɛga zleezle, a lɛvam Gazlavay a wuzwa cɛved la mawiya.

22 Gazlavay ma pata nga ndɛhay maaya fa mey anɛa na, maja ata ma pamara Yesu *Kɛriste nga ndaw ata fara fara. Gazlavay a pey nga ndɛhay maaya fa mey anɛa na, ndɛhay tabiya masa ma tɛbmara mey nga Yesu, maja Gazlavay a weley ndɛhay ta weley ba. 23 Ndɛhay tabiya ta kam meɛɛrey la. Anda keɛɛ, ata dɛrenɛ ta maaya nga

Gazlavay. 24 Ama Gazlavay ta sɛrfatar dey-ceceh la, a tɛrdata nga ndɛhay maaya fa mey

3:18 3.18 Ps 36.2 **3:20** 3.20 Jɛw 4.17; Ps 130.3; 143.2; Rm 4.15; Gal 2.16; 3.22 **3:21** 3.21-22 1.2, 17 **3:22** 3.22 2.11; 3.9; 10.12; 11.32 **3:23** 3.23 5.2, 12; 8.18-20; MC 3.19

an̄ga ta fa Yesu K̄oriste, ndaw masa ma l̄ohdata daa meber̄ey. A ka k̄one na, ara n̄ga maaya, ba na, ta cek ba. ²⁵ Ara Yesu a masa Gazlavay ma v̄olda n̄ga m̄ocey amba a mb̄ekdatara meber̄ey n̄ga nd̄ohay ta fa mambaz an̄ga. Ara mambaz a ma mb̄ed̄wa fa hwadam mazlan̄galakaya n̄gada nd̄ohay ma pamara n̄ga ndaw ata fara fara. Gazlavay a ka anda keɖe na, amba a wuzdatara a nd̄ohay, an̄ga na, ndaw ma ka cek ta c̄oved̄ e. Ahaw, daa masa an̄ga ma s̄erdata banay ta nd̄ohay maja meber̄ey ata masa zleezle daa ba heyey na, Gazlavay ta ka cek ta c̄oved̄ e la.

²⁶ Daa n̄gene, Gazlavay ta b̄esa meber̄ey a la. Gazlavay a ka cek ta c̄oved̄ e wure keɖe may, maja ta fa mem̄ocey n̄ga Yesu na, a gwa n̄ga key sariya ta c̄oved̄ e. Asaya, a gwa n̄ga pata nd̄ohay masa ma t̄obm̄ara mey n̄ga Yesu n̄ga nd̄ohay maaya fa mey an̄ga.

²⁷ Da anda keɖe na, al̄ekwa ta c̄oved̄ n̄ga zlepey maja al̄ekwa ma kadakwa sl̄era maaya ta kwakwas n̄ga Mawiz daw? Kay! al̄ekwa ta c̄oved̄ daa ba. Al̄ekwa ta c̄oved̄ daa ba na, maja me? Maja cek mahura fa mey n̄ga Gazlavay na, ara mes̄epey kwakwas ba, ama ara met̄obey-mey n̄ga Yesu. ²⁸ Ahaw, ya s̄erm̄ara fara fara Gazlavay a n̄oka ndaw an̄ga maaya fa mey an̄ga na, maja ndaw a ma t̄oba mey n̄ga Yesu, ba na, maja an̄ga ma s̄epa kwakwas n̄ga Mawiz tabiya

3:24 3.24 5.17; Ef 2.8; Tit 3.7 **3:25** 3.25 mambaz: Mt 26.28; Ef 2.13; Kwa 1.20; Heb 9.12-14; 1Jn 1.7; CWJ 1.5; 5.9; zazay: 5.1; 2Kwr 5.18-21; Ef 2.14-16; Kwa 1.20; ndaw ma ka cek ta c̄oved̄ e: 1.17; 3.3-4 **3:27** 3.27 3.1, 21, 31; 8.2

ba. ²⁹ Ka wulkam Gazlavay na, ara Gazlavay nga *Jəwif hay daada daw? Ndəhay masa Jəwif hay ba na, ara Gazlavay ata may, ba diya? Ahaw, fara fara anɔa na, ara Gazlavay nga ndəhay masa Jəwif hay ba may, ³⁰ maja Gazlavay na, anɔa pal. Da Jəwif hay a pamara Yesu nga ndaw ata fara fara na, Gazlavay a tərdata nga ndəhay maaya la fa mey anɔa. Yaw, da ndəhay daa səkway mekele a pamara Yesu nga ndaw ata fara fara na, Gazlavay a tərdata la nga ndəhay maaya fa mey anɔa may. ³¹ Anda keɔe, da ya pakwa Yesu nga ndaw aləkwa fara fara na, a wufey nga ləvey aləkwa fa tərɔakwa kwakwas nga Mawiz nga cek nga tede daw? Kay, kəne ba! Sasəkar aləkwa fa kərzakwa kwakwas a maaya maaya ta har cew cew jak.

4

Gazlavay a tərda Abəraham maaya fa mey anɔa

¹ Yaw, kaa ya wulkakwa da ray *Abəraham, dede aləkwa zleezle na, kwara? Ta hətəy cek ta gəɔaɔ anɔa la daw? ² Da Gazlavay ta pa Abəraham nga ndaw maaya fa mey anɔa la ta fa sləra anɔa masa maaya * na, anɔa Abəraham a, təɔe a zlepey. Ama ta gwa nga zlepey

3:28 3.28 Gal 2.16 **3:29** 3.29-30 3.22; 4.11-12 **3:31** 3.31 6.15; 8.2-4 * **4:2** 4.2 Daa masa Yesu aa da bəla na, Jəwif hay a ləvam Abəraham na, ara ndaw maaya fa mey nga Gazlavay maja sləra masa aa ma ka. (Nəka Jak 2.21-23.) Ama Pawl a ləvey Abəraham na, ara ndaw maaya fa mey nga Gazlavay maja anɔa ma pa Gazlavay nga ndaw anɔa fara fara. (Nəka 4.9leɔ Gal 3.6-9.)

fa mey nga Gazlavay daa ba. ³ Ara anda mawuzlalakaya daa derewel nga Gazlavay ma lövey: «Abərahām a təba mey masa Gazlavay ma lövar. Anda keđe, Gazlavay a nəka na, anğa ndaw maaya fa mey anğa, maja anğa ma pa nğa ndaw anğa fara fara.»

⁴ Ndaw ma key sləra na, a hətey dala. Dala ha ara mawurbay nğa sləra anğa, ba na, a vəldamara nğa tede ba. ⁵ Ama ndaw ma nəkey dey fa sləra anğa ba, a pa Gazlavay nğa ndaw anğa fara fara na, Gazlavay a pa ndaw a la nğa ndaw maaya fa mey anğa. Ara Gazlavay ma gwa nğa pa ndaw ta mebərey nğa ndaw maaya fa mey anğa maja Gazlavay a nəka na, ndaw a ma təba mey anğa la. ⁶ Zleezle Bay *Davīt taa guzley la letek kəne. A lövey ndəhay masa Gazlavay ma pata nğa ndəhay maaya fa mey anğa kwa ta nəka sləra ata daa ba na, mepəsey-mey nğa Gazlavay aa da ray ata.

⁷ Maaya nğa Gazlavay aa da ray ndəhay
masa Gazlavay ma mbəkdatara mebərey ata
sem.

Maaya nğa Gazlavay aa da ray ndəhay
masa Gazlavay ma nəkey dey fa mebərey ata
saba.

⁸ Maaya nğa Gazlavay aa da ray ndəhay
masa Gazlavay ma sləfa mebərey ata saba.

⁹ Davīt e maa guzley anda keđe na, a wufey nğa lövey maaya nğa Gazlavay aha aa da ray ndəhay masa maslakaya mandawal daada gway daw? Kay, kəne ba! Maaya nğa Gazlavay a na,

aa da ray ndəhay masa mandawal manjar nga sley may. Ahaw, ya ta ləvkwa la: «Gazlavay a nəka na, Abərahām anğa ndaw maaya fa mey anğa, maja anğa ma pa nga ndaw anğa fara fara.» ¹⁰ Masa Gazlavay ma tərda Abərahām a nga ndaw maaya fa mey anğa na, daa masa anğa ta sla mandawal cay daw, daa ba daw? Fara fara daa ngene na, Abərahām a ta sla mandawal daa ba aran. ¹¹ Daa masa Abərahām ma sla mandawal daa ba aran na, Gazlavay ta nəka cay anğa ndaw maaya fa mey anğa, maja anğa ma pa Gazlavay a nga ndaw anğa fara fara. Fa dəba ha, Gazlavay ta', a ləvar nga sla mandawal. *Mesley mandawal a ngene na, fa wuzda anğa ndaw maaya fa mey nga Gazlavay. Anda keđe, Abərahām na, ara papan nga ndəhay masa mandawal manjar nga sley, masa ma təbmara mey nga Gazlavay. ¹² Asaya, anğa papan nga ndəhay masa mandawal maslakaya may. Ya wudəy ngaa guzley keđe na, da ray ndəhay maslakaya mandawal cəpa ba, ama yaa guzley na, da ray ndəhay maslakaya mandawal masa ma pamara Gazlavay nga ndaw ata anda papa aləkwa Abərahām ma pa Gazlavay nga ndaw anğa fara fara daa masa anğa ta sla mandawal daa ba aran.

Gazlavay a da vəltar a ndəhay ma pamara nga ndaw ata fara fara na, me?

¹³ Gazlavay a ləvar ngada *Abərahām ta ngada bəza hay ma da yamawa da hwad anğa

na, a da vøldatara bøla cøpa ngada ata. Gazlavay a da vøldatara bøla ha na, ara maja Abøraham ma nar ray a *kwakwas nga Mawiz ba, ama maja aa ma pa Gazlavay a nga ndaw anga fara fara. Ara maja ñgene, Gazlavay ma pa nga ndaw maaya fa mey anga. ¹⁴ Anja da Gazlavay a da vøltar cek a ndøhay maja ata ma søpam kwakwas daada na, ñgene, mepey Gazlavay nga ndaw fara fara, ara cek nga tede. Asaya, anja cek masa Gazlavay ma løvey a da vøldatara ha na, ara cek nga tede may. ¹⁵ Yaw, da ndøhay a zløbmara kwakwas na, Gazlavay a cey mevel. Ama da anja kwakwas daa ba na, ndøhay a da zløbam me?

¹⁶ Anda kedfe, cek maaya masa Gazlavay ma da vølda na, a da vøldatara ngada ndøhay masa ma pamara nga ndaw ata fara fara. A da vøldatara na, nga maaya maja a wudfey ndaw kalah. Gazlavay ma løvey a da vøltar cek heyey na, ara ngada bøza hay ma da yamawa da hwad Abøraham tabiya. A da vølda cek aha na, ngada ndøhay ma tøba mey anga masa ma søpmara kwakwas nga Mawiz daada ba, ama ngada ndøhay mekele tabiya ma pamara nga ndaw ata anda Abøraham zleezle. Abøraham na, ara papa aløkwa, aløkwa tabiya ndav.

¹⁷ Ara anda mawuzlalakaya daa dferewel nga Gazlavay, Gazlavay a løvar a Abøraham: «Ya ta paka la nga papanj nga søkway hay ga.» Yaw, fa mey nga Gazlavay na, Abøraham ara papa aløkwa. Anja ta pa Gazlavay la nga ndaw anja

4:13 4.13 MC 12.7; 22.17 **4:14** 4.14 Gal 3.18 **4:15** 4.15 3.20; 5.13, 20; 7.7-13; Gal 3.19 **4:16** 4.16 Gal 3.7

fara fara, Gazlavay ma sløkfadatørwa ndøhay daa memøcey, asaya, ma gwa nga kata cek hay masa ma kam daa ba aran. ¹⁸ Kwa ndøhay siya a wulkam Gazlavay a gwa nga vølar cek ngada Abøraham anda aa ma løvar heyey daa ba na, Abøraham a fa pa Gazlavay nga ndaw annga fara fara cønnga. Anda kedfe, annga ta tørey la nga «papan nga sækway hay ga» anda Gazlavay maa guzlar, a løvar: «Bøza hay da hwad akah a laslam la ga anda wurzla hay.»

¹⁹ Daa masa Gazlavay maa guzlar ngene na, Abøraham a key mevey temere. Abøraham a søra annga maraw, gødan annga daa saba, asaya, a søra ngwas annga Sara na, annga madanngwas cay. Ta ngene he cøpa, Abøraham fa tøba Gazlavay a kar cek la anda aa ma løvar cønnga. ²⁰ Fara

fara, annga fa tøba mey masa Gazlavay ma løvar. A wulkey cew cew da ray cek masa Gazlavay ma da vøldara ba. Ama fa høtey gødan ma føna ma føna daa metøbey-mey nga Gazlavay, fa høslar ray. ²¹ Yaw, Abøraham a søra Gazlavay aa ta gødan nga kara cek anda aa ma løvar.

²² Ara maja ngene, Gazlavay ma pa nga ndaw maaya fa mey annga. ²³ Mey ma løvey: «Gazlavay a pa nga ndaw maaya fa mey annga» na, mawuzlalakaya daa ðerewel nga Gazlavay na, ngada Abøraham daada ba, ²⁴ ama mey a mawuzlalakaya ngada aløkwa may. Da aløkwa fa pakwa Gazlavay nga ndaw aløkwa fara fara,

4:17 4.17-18 MC 15.5; 17.4-5; 2Kwr 1.9; Heb 11.12, 19 **4:19**
 4.19-20 MC 17.1-6; Heb 11.11 **4:21** 4.21 MC 18.14; Lk 1.37
4:22 4.22 4.3 **4:23** 4.23-24 10.9; 15.4

Gazlavay ma sləkɗadərwa Bay aləkwa Mahura Yesu daa meməcey na, Gazlavay a, a pandakwar nga ndəhay maaya fa mey anɗa la may. ²⁵ Yesu a na, Gazlavay ta vɔlda la a har ndəhay nga məcey maja mebərey aləkwa. Fa dɔba ha, ta sləkɗawa sem daa meməcey amba Gazlavay a pandakwar nga ndəhay maaya fa mey anɗa.

5

Cek masa ndaw ma da hətar maja anɗa maaya fa mey nga Gazlavay na, wura?

¹ Ahaw, Gazlavay a tɔrdandakwar nga ndəhay maaya fa mey anɗa na, maja aləkwa ma pakwa nga ndaw aləkwa fara fara. Anda keɗe, aləkwa manjatakaya daa zazay fa mey anɗa maja Bay aləkwa Mahura, Yesu *Kəriste. ² Ara Yesu ma vɔlndakwar cəved amba ya sərkwə maaya nga Gazlavay maja aləkwa fa pakwa nga ndaw aləkwa fara fara. Aləkwa majaratakaya daa mey anɗa ta fa maaya anɗa ha. Asaya, aləkwa faa səmkwə maja ya sərkwə ya hətkwə mewedey anɗa la a ray aləkwa. ³ Ara nɗene daada ba, ama aləkwa faa səmkwə saya daa masa aləkwa fa sərkwə banay, maja banay a, a jɔndakwar nga bəsey banay hay mekele mekele. ⁴ Məbəsey

4:25 4.25 Iz 53.4-5, 10; Rm 8.32-34; 1Kwr 15.17 **5:1** 5.1 3.21-30; Gazlavay a tɔrdandakwar nga ndəhay maaya fa mey anɗa: 3.25-26 **5:2** 5.2 maaya nga Gazlavay: 3.21; 6.14; 2Kwr 6.1; 12.9; Gal 1.6; 5.4; Ef 2.5-8; 1Pi 1.10-11; 4.13-14; 5.10, 12; mepey Yesu ndaw aləkwa fara fara: Rm 3.24; 8.17-18; mewedey anɗa: 8.17-18; 9.23; 1Kwr 2.7; 2Kwr 3.18; 4.17; Kwa 1.27; 3.4; 1Tes 2.12; 2Tm 2.10; 1Pi 5.1 **5:3** 5.3-5 Jak 1.2-3, 12; 1Pi 1.5-7

banay na, a vøley gødanŋ a ndaw ŋga jerey. Yaw, da aløkwa majaratakaya na, ya sørkwa ya da høkwa cek masa Gazlavay ma løvey a vøldandakwara la heyey. ⁵ Cek aha na, fa da pandakwar hwaray daa ba, maja Gazlavay ta wuzdərwa mewudəy-vaw aŋga sem ta fa Mesəfney aŋga masa aa ma vøldandakwara.

⁶ Daa masa aløkwa ta gødanŋ ŋga løhda ray aløkwa daa ba na, Kəriste ta møcey la maja aløkwa, aløkwa ndøhay ma kam høma a ray Gazlavay. A møcey a na, ta pas masa Gazlavay ma wala dər a. ⁷ Ya sørkwa aŋga ta banay amba ndaw a tøba ŋga møcey aa slam a ŋga ndaw ma ka cek ta cøved e. Ayøwa, da kwa ndaw a gwa ŋga møcey aa slam a ŋga ndaw meekwed-mey kwa. ⁸ Ama kwa aløkwa ta mebørey na, ta ŋgene he cøpa, Kəriste ta møcey la maja aløkwa cøŋga. Ara anda keðe Gazlavay ma wuzda, aŋga fa wudndakwar kalah. ⁹ Wure keðe, Gazlavay ta tərđandakwar la ŋga ndøhay maaya fa mey aŋga ta fa mambaz ŋga Yesu ma mbødwa daa memøcey aŋga. Anda keðe, ya sørkwa fara fara Yesu Kəriste a løhdandakwar la, Gazlavay fa da ceý mevel da ray aløkwa daa saba. ¹⁰ Daa masa aløkwa masa-gøra hay ŋga Gazlavay na, Gazlavay a ta cømndakwar dər la ta aŋga ray aŋga, ta fa memøcey ŋga Bøzey aŋga. Wure keðe, aløkwa macømkaya dər ta aŋga. Anda keðe, ya sørkwa fara fara a løhdandakwar la maja Bøzey aŋga ma sløkdawa

5:5 5.5 8.39; Ps 22.6; Heb 6.19 **5:6** 5.6-7 1Pi 3.18 **5:8** 5.8
Jan 3.16 **5:9** 5.9 1.18; 1Tes 1.10

sem daa meməcey. ¹¹ Ara kefe daada ba, ama aləkwa faa səmkwa da ray Gazlavay maja Bay aləkwa Mahura Yesu Kəriste may. Ara maja anğa, aləkwa macəmkaya ta Gazlavay.

Mey da ray Adam ta Kəriste

¹² Mebərey a sawa a bəla na, ta fa ndaw pal mezəley *Adam. Ndəhay a məcam na, maja mebərey a. Anda kefe, meməcey fa paslata ndəhay da bəla maja ndəhay tabiya ata ta mebərey. ¹³ Dəga Gazlavay ta wuzdara kwakwas anğa a *Mawiz daa ba aran na, mebərey aa daha da bəla cay. Ama daa masa kwakwas a daa ba aran na, Gazlavay fa sləfa mebərey nğa ndəhay daa ba may. ¹⁴ Ama ta ngene he cəpa dəga fa Adam haa kasl fa Mawiz na, ndəhay tabiya ta ləham fa meməcey daa ba cənğa. Adam ta cənar mey a Gazlavay daa ba. Kwa ndəhay a ta kam mebərey anda Adam a daa ba na, ta məcam sem cənğa. Ya gwakwa nğa wa Adam a na, ta ndaw ma da sawa.

¹⁵ Ama Adam a na, ata letek ta ndaw ma da sawa ha ba. Mebərey nğa Adam anğa wal ta cek maaya masa Gazlavay ma da vəldatara a ndəhay maja mewudəy-vaw anğa. Ahaw, fara fara ndəhay ga ta məcam sem maja mebərey nğa ndaw pal. Ama, Gazlavay a katar maaya la ma fəna a ndəhay ga. A da katar maaya ha na, ta fa ndaw pal mezəley Yesu *Kəriste. ¹⁶ Cek masa ndəhay ma hətam ta fa Gazlavay na, a fəna cek

5:10 5.10 2Kwr 5.18-20; Kwa 1.20-22 **5:11** 5.11 8.31 **5:12**
 5.12 MC 2.17; 3.19; Rm 6.21, 23; 7.9-10 **5:13** 5.13 4.15 **5:14**
 5.14 1Kwr 15.21-22, 45-49

masa ndəhay ma hətam ta fa ndaw pal mezəley Adam. Ara anğa ma handərwa mebərey a bəla. Anda kefe, mebərey masa ndaw pal ma ka ha na, sariya nğa Gazlavay ta təfdata ndəhay sem maja. Ama maaya masa Gazlavay ma katara a ndəhay na, a pata ndəhay a nğa ndəhay maaya fa mey anğa. Anda kefe, kwa ndəhay a, ata ta mebərey ga na, sariya nğa Gazlavay fa da təfdata daa ba. ¹⁷ Ahaw, fara fara ndaw pal ta key mebərey la. Anda kefe, meməcey ta kəfta ndəhay tabiya sem maja ndaw aha. Ama ndaw mekele daha wal, ara Yesu Kəriste. Ara ta fa anğa, Gazlavay ma katar maaya a ndəhay ma fəna ma fəna, a ndəvey ba, a cəmtar day ta anğa ray anğa. Maja ngene, ndəhay a hətam heter mendəvey ba la, asaya, a da wam da ray cek hay bama.

¹⁸ Nəka, ndəhay tabiya na, sariya ta təfdata sem maja mebərey nğa ndaw pal, Adam. Ama ndaw pal daha, ara Yesu Kəriste. Anğa na, ara ndaw ma key cek maaya ta cəved e. Ara ta fa anğa Gazlavay a pata ndəhay nğa ndəhay maaya fa mey anğa. Da ray ngene, ndəhay a hətam heter mendəvey ba la. ¹⁹ Ahaw, ndəhay ga ata ta mebərey maja ndaw pal daha ma cənar mey a Gazlavay ba. Ama ndaw pal daha, ara Yesu Kəriste. Anğa na, ta cənar mey la a Gazlavay. Da ray ngene, ndəhay ga ta təram nğa ndəhay maaya la fa mey nğa Gazlavay maja ndaw aha.

²⁰ Gazlavay ta wuzdatara kwakwas anğa la a ndəhay. Anda kefe, ndəhay fa kam mebərey ma

fəna ma fəna. Ama daa masa ndəhay fa kam mebərey ma fəna ma fəna na, Gazlavay fa key dey-ceceh, fa wuzdatara mewudey-vaw anğa ma fəna ma fəna a ndəhay may. ²¹ Mebərey a hətey gədan da ray ndəhay nğaa zəddata na, ta fa meməcey. Ama wure keđe maaya nğa Gazlavay aa da ray ndəhay. Gazlavay na, aa ta gədan nğa pata ndəhay nğa ndəhay maaya fa mey anğa. A wuzdərwa maaya anğa ha amba ya hətkwa heter mendəvey ba ta fa Bay aləkwa Mahura Yesu Kəriste.

6

Ndaw nğa Yesu a key mebərey mandaw mandaw daw?

¹ Kaa wure keđe na, ya da ləvkwa kwara? Maaya na, ya kakwa mebərey mandaw mandaw amba Gazlavay a sərɤandakwar dey-ceceh, a wuɤndakwar ma fəna ma fəna daw? ² Kay, kəne ba səlak! Ta dey nğa mebərey na, aləkwa anda ndəhay maməctakaya. Mebərey a gwa a wandakwar saba. Kaa wara ya njakwa mandaw mandaw daa mebərey na, kwara dəba wura?

³ Ka sərmara maaya maaya daa masa aləkwa ma hətkwa *baptem na, aləkwa macəmkaya ta Yesu *Kəriste. Anda meləvey, aləkwa ma məkwa la ta anğa may. ⁴ Daa masa aləkwa maməctakaya ta Kəriste daa yam nğa baptem na, ngene anda aləkwa mapəshatakaya ta anğa amba menjey aləkwa a tərey mawiya. Menjey

5:20 5.20 4.15 **5:21** 5.21 6.23 **6:1** 6.1 3.5-8, 31; 5.20 **6:2** 6.2 6.6; 7.4 **6:3** 6.3-4 Gal 3.27; Kwa 2.12; Tit 3.5; 1Pi 3.21; Mt 28.19

aləkwa a tōrey mawiya na, letek anda Gazlavay Papan ma sləkɗadərwa Yesu daa memōcey ta gədan anɗa masa maaya kalah.

⁵ Ahaw, aləkwa ma məkwa la anda anɗa, anda keɗe, aləkwa macəmƙaya ta anɗa. Da ray nɗene, ya da sləkɗakurwa daa memōcey anda anɗa may.

⁶ Ya sərƙwa daa masa Yesu ma mōcey fa hwadam mazlanɗgalakaya na, menjey aləkwa masa zleezle aa fa hwadam a ta pas nɗene may amba menjey aləkwa masa zleezle he a ndōvey. Anda keɗe, aləkwa beke nɗa mebōrey saba,

⁷ maja ndaw masa maməkƙaya na, mebōrey a wa saba. ⁸ Yaw, da aləkwa maməctakaya ta Kōriste na, ya sərƙwa ya da njakwa ta dey bama ta anɗa may. ⁹ Ya sərƙwa fara fara Kōriste na, ta sləkɗawa sem daa memōcey. Yaw, anɗa fa da mōcey daa saba, memōcey fa da wey da ray a daa ba may.

¹⁰ Kōriste ta mōcey la dey pal maja ndōhay tabiya. Ta fa memōcey anɗa ha na, mebōrey a gwa a wandakwar saba. Wure keɗe na, anɗa ta dey, manjakaya da cakay Gazlavay.

¹¹ Akwar may, akwar kōne. Sərmara, akwar na, maməctakaya, mebōrey fa wakwar daa saba. Wure keɗe, akwar ta dey, manjatakaya ta Gazlavay maja akwar macəmƙaya ta Yesu Kōriste.

¹² Anda keɗe, ka da vəlmar cəved a mebōrey nɗa wey da ray vaw akwar ma da mōcey nɗene ba. Cek hay maaya ba masa akwar ma wudam

6:4 6.4 2Kwr 5.14-15, 17; Gal 6.15; Kwa 3.1-5, 10 **6:5** 6.5 Fəl 3.10-11 **6:6** 6.6 Gal 5.24 **6:9** 6.9-10 SNM 2.27; Heb 9.25-28; 1Pi 3.18 **6:11** 6.11 Gal 2.19; 1Pi 2.24

kalah na, ka da pamara mewulkey akwar a ray a ba. ¹³ Ka da veldamara vaw akwar ngada mebarey amba a tərda vaw akwar nga cek ma ka sləra malamba ba. Ama veldamara ray akwar na, ngada Gazlavay anda ndəhay masa maməctakaya ma sləkdəfəməwə daa meməcey. Veldamara ray akwar tabiya a Gazlavay amba a tərda akwar nga ndəhay ma ka cek maaya ta cəved e. ¹⁴ Anda keđe, ara mebarey ma da wey da ray akwar saba, maja akwar fa səpmara *kwakwas nga Mawiz daa saba, ka səpam na, nga hətəy maaya nga Gazlavay.

Aləkwa na, ndəhay ma ka cek maaya daw, maaya ba daw?

¹⁵ Kaa ya da kakwa na, kwara? Da aləkwa fa səpkwa *kwakwas nga Mawiz daa saba, ya səpkwa maaya nga Gazlavay na, aləkwa ta cəved nga key mebarey daw? Kay, daa ba!

¹⁶ Ka səpmara da ka veldamara ray akwar ngada ndaw, ka ləvmar ka namar ray la na, akwar ma tərām sem nga beke anga hay, ba diya? Anda keđe, da akwar ma vəlmar cəved sem a mebarey nga wey da ray akwar na, ngene akwar beke hay nga mebarey a, asaya, akwar fa cəhadəfəməwə meməcey a ray akwar. Ama da akwar fa namar ray a Gazlavay na, akwar ta tərām sem nga beke anga hay, anda keđe, a pakwar la nga ndəhay maaya fa mey anga. ¹⁷ Zleezle na, akwar beke nga mebarey, ama wure keđe akwar fa təbmara mey nga Gazlavay masa ndəhay maa

sərkadamakwara ta mevel pal. Ya kakwa suse a Gazlavay maja. ¹⁸ Gazlavay ta pəskakwar sem daa beke nga mebərey. Anda keđe, ka da kam cek masa maaya ta cəved e. ¹⁹ Ya wakwara mey a ta beke keđe na, maja anğa ta banay ngada akwar amba ka cəndamara mey a. Zleezle na, akwar anda beke hay. Ka ta vəldamara ray akwar la nga key cek hay malamba ma həldakwar nga rəsa Gazlavay. Ama wure keđe na, vəldamara ray akwar tabiya ngada Gazlavay amba ka kam cek masa maaya ta cəved e anda akwar na, beke anğa hay. Anda keđe, menjey akwar a mbafar la a Gazlavay.

²⁰ Zleezle daa masa akwar beke nga mebərey na, ka wudam nga key cek masa maaya ta cəved e ba. ²¹ Daa ngenə na, akwar fa kam cek hay malamba masa fa pakwar hwaray wure keđe. Kaa cek maaya masa akwar ma hətam da hwad a na, me? Sasəkar cek hay a ngenə na, fa handawa meməcey a ray akwar jak, ba diya? ²² Wure keđe na, Gazlavay ta pəskakwar sem daa beke nga mebərey. Anda keđe, akwar ndəhay ma ka sləra nga Gazlavay. Cek maaya masa akwar ma hətam na, ara menjey akwar maaya ma mbafar a Gazlavay. Asaya, menjey akwar a, a da vəkwar heter mendəvey ba nga sərmataw. ²³ Nəka, cek mehətey fa mebərey na, ara meməcey. Ama cek masa Gazlavay ma vəlda nga maaya na, ara heter mendəvey ba maja aləkwa macəmkaya ta Yesu *Kəriste, Bay aləkwa mahura.

7

Kwakwas nga Mawiz a da wey da ray aləkwa saba na, ta vara?

¹ Məlma adaw hay, ya faa guzlkwar, akwar masa ma sərmara *kwakwas nga Mawiz. Ka sərmara kwakwas a, a wey da ray ndaw na, daa masa ndaw aha anga ta dey gway. ² Wakwa mey a ta ngwas da way zel. Daa masa zel e aa ta dey dagay na, ngwas a, aa ta cəved nga ley zel mekele daa ba, maja kwakwas nga Mawiz a vəlar cəved ba. Ama da zel e ta məcey sem na, ngwas a, aa ta cəved nga ley zel mekele, kwakwas a, a təkə saba. ³ Anda keɗe, da ngwas masa zel e aa ta dey, a ley zel mekele na, ngene ngwas aha ta ley vaw sem da palah. Ama da zel e ta məcey sem na, kwakwas a, a vəlar cəved nga ley zel mekele. Ngene, ara meley-vaw saw da palah ba.

⁴ Məlma adaw hay, ngada akwar na, aa letək kəne may, kwakwas nga Mawiz fa wey da ray akwar daa saba. Akwar anda ndəhay maməctakaya maja *Kəriste ta məcey la aa slam a nga akwar. Wure keɗe, akwar na, ngada anga, ndaw masa Gazlavay ma sləkɗadərwa daa meməcey. Akwar macəmkaya ta anga amba ka kamar sləra maaya ma mbafar. ⁵ Zleezle daa menjey aləkwa na, aləkwa fa kakwa cek hay saw anda mevel aləkwa ma wudəy gway. Kwakwas nga Mawiz a wuzdandakwara cek hay masa ma kar mebərey a ndaw. Masa aləkwa ma sərtakwa cek hay a la na, sasəkar aləkwa fa katakwa ma

fəna ma fəna jak. Cek hay a fa həldandakwar nga key sləra maaya ba ma handawa meməcey a ray aləkwa. ⁶ Zleezle aləkwa anda beke hay maja kwakwas nga Mawiz, aləkwa anda ndəhay magərcatakaya daa fərsəne. Wure keđe, aləkwa mapəskatakaya dasi har nga kwakwas a, amba ya kakwa sləra ngada Gazlavay taa cəved mekele mawiya masa *Mesəfney nga Gazlavay ma wuzdandakwara. Ya kakwa sləra ngada Gazlavay taa cəved magurma masa kwakwas nga Mawiz ma wuzdandakwara saba.

Kwakwas nga Mawiz a wuzwa na, me?

⁷ Kaa wure keđe na, ya da ləvkwa kwara? *Kwakwas nga Mawiz na, ara cek maaya ba daw? Kay, kəne ba. Anja da kwakwas a daa ba na, ya fa da səra mebərey daha na, daa ba. Kwakwas a, a ləvey: «Ka da kam dey fa cek nga ndaw ba.» Anja da kwakwas a ta ləvey kəne daa ba na, ya səra mekey dey fa cek nga ndaw na, ara mebərey la daw? ⁸ Ama kwakwas a ta wurar cəved sem a mebərey nga key sləra daa yah. Mebərey a ta həldaya la nga key dey fa cek nga ndaw. Anja da kwakwas a daa ba na, mebərey fa da hətey gədan da ray ndaw daa ba. ⁹ Zleezle daa masa ya səra mey da ray kwakwas a ba na, yah ta dey, ya fa wey nga yah. Ama daa masa ya ta cənda mey da ray kwakwas a cay na, mebərey ta hətey gədan sem da ray adaw. ¹⁰ Da ray ngene, yah na, anda ndaw

7:5 7.5 6.21 7:6 7.6 6.7; 8.2-4; 2Kwr 3.6 7:7 7.7 Mew 5.21; MC 2.16-17; 3.6 7:7 7.7-13 4.15 7:8 7.8 1Kwr 15.56 7:9 7.9 5.13

maməckaya. Gazlavay ta völdərwa kwakwas aha la amba ndəhay a hətam heter. Ama ηgada yah na, kwakwas a ta cəhadfaya meməcey sem a ray. ¹¹ Ama masa yah ma cənda mey da ray kwakwas a la na, kwakwas a ta wurar cəved sem a mebərey ηga key sləra daa yah. Mebərey a ta hətəy cəved sem ηga təknaya ta fa kwakwas a. Anda keđe, mebərey a ta cəhadfaya meməcey sem a ray.

¹² Fara fara, kwakwas ηga Mawiz na, anğa maaya, mebərey da hwađ a daa ba. Asaya, mey hay da ray kwakwas a na, a samawa fa Gazlavay. Ata maaya, mebərey da hwađ a daa ba. A jənta ndəhay ηga key cek ta cəved e.

¹³ Anda keđe, cek masa maaya na, a gwa ηga handawa meməcey a ray adaw daw? Kay, kəne ba! Ma handərwa meməcey a ray ndaw na, ara mebərey. Mebərey a ta hətəy cəved sem ta fa cek masa maaya ηga handaya meməcey a ray. A key anda keđe na, amba ndəhay a sərmara mebərey ara cek maaya ba kalah ta fa kwakwas a.

Cek maaya ta maaya ba a cəmam daa ndaw na, kwara?

¹⁴ Ya sərkwa *kwakwas ηga Mawiz na, a sawa ta fa Gazlavay, ama aləkwa na, ndəhay magədan gway. Ya ta tərkwə beke ηga mebərey sem.

¹⁵ Fara fara, cek masa yah ma ka na, ya ka maja me na, ya səra ba, maja cek maaya masa yah ma wuđey na, ya ka ba. Ama ya key na, cek masa yah ma wuđey ba jak. ¹⁶ Da ya key

7:10 7.10 Lev 18.5 **7:11** 7.11 MC 3.13 **7:12** 7.12 1Tm 1.8

7:14 7.14 Ps 51.7 **7:15** 7.15 Gal 5.17

cek masa yah ma wudfey ba na, ηgene, ya tōba, ya sōra kwakwas a na, anga maaya. ¹⁷ Anda kede, da ya key cek maaya ba na, ara yah ma ka ba. Ara mebōrey masa daa yah ma ka cek aha. ¹⁸ Ahaw, ya sōra yah ta gōdan ηga key cek maaya ta cōved e na, daa ba. Anda melōvey yah na, ndaw-magōdan. Ya wudfey ηga key cek maaya ta cōved e, ama gōdan adaw daa ba. ¹⁹ Yaw, cek maaya masa yah ma wudfey ηga ka na, ya fa ka daa ba, ama ya key na, cek maaya ba masa yah ma wudfey ηga ka ba jak. ²⁰ Da ya key cek maaya ba masa yah ma wudfey ηga ka ba na, a wudfey ηga lōvey ara yah ma ka ba. Ara mebōrey masa daa yah ma ka cek aha.

²¹ Ya wudfey ηga key cek maaya, ama ya da key na, cek masa maaya ba gway. Kede ara cek masa yah ma sangala daa menjey adaw. ²² Daa mevel adaw na, ya fa wudfey fara fara ηga sōpa *kwakwas ηga Gazlavay. ²³ Ama ya nōka na, cek maaya ba ma fōnya ray daha. Cek aha fa tōka mewulkey adaw ηga key cek masa maaya. Cek maaya ba ha ma fōnya ray a na, ta tōrdaya sem ηga beke ηga mebōrey. ²⁴ Ay! Yah na, ndaw ta matōway daa dey. Yah na, memōcey aa da ray adaw. Ma da lōhdaya daa memōcey a na, wa? ²⁵ Ara Gazlavay ma da lōhdaya ta fa Bay alōkwa Mahura Yesu *Kōriste. Ara maja ηgene, ya fa kar suse ta mevel adaw cōpa.

Anda kede, daa mewulkey adaw na, ya wudfey ηga sōpa kwakwas ηga Gazlavay. Ama maja

7:18 7.18 MC 8.21; Føl 2.13 **7:23** 7.23 Gal 5.17; Jak 4.1; 1Pi 2.11 **7:24** 7.24-25 1Kwr 15.57

yah ndaw-magədan na, ya key na, cek masa ma handaya mebərey a ray jak.

8

Mesəfney nga Gazlavay a jənta ndəhay daa menjey ata na, kwara?

¹ Wure keɗe ndəhay masa macəmkaya ta Yesu *Kəriste na, sariya nga Gazlavay fa da təɗdata daa ba. ² Mebərey fa da hətey gədan nga handawa meməcey a ray aləkwa daa saba, maja gədan nga *Mesəfney nga Gazlavay aa da ray aləkwa. Gədan nga Mesəfney nga Gazlavay a, a vəlndakwar heter mawiya ta fa Yesu Kəriste.

³ *Kwakwas nga Mawiz na, a gwa nga key sləra anda Gazlavay ba, maja bəle nga ndaw-magədan ta tərda kwakwas a sem nga cek manjar gədan. Gazlavay aa ta gədan ma fəna kwakwas nga Mawiz. Gazlavay a wuzda anga na, a wufey nga cəney mebərey fa sləmay anga ba səlak, a kar sariya a ndaw-magədan maja mebərey anga. Anda keɗe, ta slərdərwa Bəzey anga la a bəla, a tərey nga ndaw-magədan, vaw anga anda aləkwa ndəhay ma ka mebərey. Gazlavay a ka anda keɗe, nga ləhdata ndəhay daa mebərey ta fa meməcey nga Bəzey anga ha. Anda keɗe, ta fəna gədan nga mebərey sem ta fa Bəzey anga ha. ⁴ Gazlavay a ka anda keɗe na, amba ya tərkwā ndəhay ma ka cek ta cəved e fara fara anda kwakwas a ma wufey ya

kakwa. Ya kakwa na, anda mewudefey nga ndaw-magədanj saba, ama ya kakwa anda Mesəfney nga Gazlavay ma wudefey.

⁵ Ndəhay ma səpam nga njeɣ anda ndəhay magədanj ma wudam na, a wulkam mandaw mandaw da ray cek masa ma mbafatar gway. Ama ndəhay ma kam cek anda Mesəfney nga Gazlavay ma wudefey na, a wulkam mandaw mandaw da ray cek masa ma mbafar a Mesəfney a. ⁶ Da ndaw a wulkey mandaw mandaw da ray cek masa ma mbafar gway na, a key ɳgene, a cəhadəwə meməceɣ a ray aɳga. Ama da ndaw a wulkey mandaw mandaw a ray cek ma mbafar a Mesəfney nga Gazlavay na, ɳgene, Gazlavay a da vəlar heter mawiyə, asaya, a da ɳjada daa zazay. ⁷ Ndəhay ma wulkam mandaw mandaw da ray cek masa ma mbafatar a vaw ata hay na, ata masa-gəra hay nga Gazlavay. Ata fa səpmara kwakwas nga Gazlavay daa ba, kwa a gwamara nga key sləra ta kwakwas a ba. ⁸ Ndəhay ma səpam nga key cek masa ma mbafatar a vaw ata hay gway na, ndəhay a, fa da mbafamar a Gazlavay daa ba.

⁹ Ama akwar na, akwar fa kam cek ma mbafar a vaw akwar hay daa ba. Ka səpam na, cek masa ma mbafar a Mesəfney nga Gazlavay maja Mesəfney a, aa da ray akwar. Ndaw masa Mesəfney nga Kəriste da ray a daa ba na, ndaw aha ara ndaw nga Kəriste ba. ¹⁰ Da Kəriste aa daa mevel akwar na, Mesəfney nga Gazlavay a vəlkwar heter mawiyə la maja aa ma pakwar

nga ndəhay maaya fa mey an̄ga. Kwa ka məc̄am la, vaw akwar a zey la maja mebərey na, ka hətam heter mawiya la. ¹¹ Asaya, da Mesəfney nga Gazlavay ma sləkɗadərwa Yesu Kəriste daa meməcey aa da ray akwar na, ηgene Gazlavay a da sləkɗadakurwa daa meməcey may. Anda kede, a da sləkɗadakurwa ha na, ta gədan̄ ηga Mesəfney an̄ga masa da ray akwar a.

¹² Məlma ad̄aw hay, ara maja ηgene si ya njakwa anda Mesəfney nga Gazlavay ma wud̄ey, ba na, anda vaw aləkwa ma wud̄ey ba. ¹³ Yaw, da akwar fa kam cek masa ma mbafar a vaw akwar gway na, ka məc̄am la. Ama da akwar fa vəlmar cəved̄ a Mesəfney nga Gazlavay nga jənkw̄ar nga mbəkda mekey cek hay maaya ba na, ηgene, ka hətam heter mawiya la.

¹⁴ Ndəhay cəpa masa ma vəlmar cəved̄ a Mesəfney nga Gazlavay nga wey da ray ata na, ndəhay a ηgene, ara bəza hay nga Gazlavay.

¹⁵ Mesəfney masa akwar ma təbmara nga wey da ray akwar a na, fa da tərdakwar nga beke hay daa ba, akwar fa da njam ta mandərzay daa dey daa saba. Ama Mesəfney nga Gazlavay a, a da tərdakwar nga bəza hay nga Gazlavay, a da jəndakwar nga zəla Gazlavay a: «Aba», anda meləvey, «Papay.» ¹⁶ Mesəfney a, fa wuzdandakwara daa mevel aləkwa na, aləkwa bəza hay nga Gazlavay fara fara. ¹⁷ Ahaw, aləkwa na, bəza hay nga Gazlavay. Anda kede, ya hət̄kwa cek masa an̄ga ma b̄ada maja aləkwa

8:10 8.10 Gal 2.20; 1Jn 3.24 **8:11** 8.11 2Kwr 4.14 **8:12** 8.12
6.18 **8:13** 8.13 Gal 6.8; Ef 4.22-24 **8:14** 8.14 1Jn 2.29-3.1
8:15 8.15 Mk 14.36; Gal 4.5-7

la. Ya da hət kwa cek aha na, bama daa slam a ta Kərıste maja da aləkwa ma sərkw a banay la bama ta Kərıste na, ya da njakwa bama ta an ga daa slam an ga mewedey may.

Mey da ray mewedey nga Kərıste

¹⁸ Ya sərə, banay masa aləkwa ma sərkw a wure ked e kaa na, ara cek mecəhe nga tede. Fara fara, slam-mewedey nga Gazlavay masa aa ma völdandakwara na, an ga maaya, a wam ta banay masa aləkwa ma sərkw a wure ked e ba.

¹⁹ Cek hay tabiya masa Gazlavay ma katərwa na, cek hay a fa səkwmara đar masa Gazlavay ma da wuzdatərwa bəz an ga hay daa slam an ga mewedey amba đar a, a wuswa fiyaw fiyaw.

²⁰ A səkwmara maja cek hay tabiya masa Gazlavay ma katərwa na, ta tər am sem nga cek nga tede. Ara cek hay a ma wudam nga key kəne ba, ama ara Gazlavay ma la har an ga da ray ata. Ta ngen e he cəpa, fa səkwmara Gazlavay nga ka slərə an ga da ray ata cənga. ²¹ Slərə ha na, ara Gazlavay ma da pəskatərwa dasi har nga ndaw ma nəsta, ma tər data nga beke. Anda ked e, cek hay a tabiya a da hət am mewedey nga Gazlavay bama daa slam a ta bəza hay nga Gazlavay. A da wam nga ata anda bəza hay nga Gazlavay.

²² Ya sərkw a dəga mezley nga bəla haa wure ked e, cek hay tabiya masa Gazlavay ma katərwa na, fa sər am banay, a njaram anda n gwas ma da yey. ²³ Ma sər am banay a daa masa ata fa səkwmara na, ara cek hay a daada

ba, ama aləkwa may fa njarakwa daa mevel aləkwa. Aləkwa na, ndəhay masa Gazlavay ma vəldandakwar Mesəfney anğa teesed da ray cek hay mekele masa anğa ma da vəldandakwara. Anda keđe, aləkwa fa səkwakwa pas masa Gazlavay ma da tərđandakwar nğa bəz anğa hay fara fara, a da pəskandakwar dasi har nğa ndaw ma nəsndakwar, amba kwa waawa a wey ray anğa. ²⁴ Gazlavay ta ləhdandakwar sem daa mebərey ama ya sərtakwa cek hay masa Gazlavay ma da ka da ray aləkwa tabiya ba aran. Aləkwa fa sərkwə fara fara ya hətkwa cek hay a la. Da ndaw ta hətar cek masa aa ma səkwa sem ta dey anğa na, a səkwa cek aha saba maja cek aha aa fa dey anğa cay. Ma da səkwa cek masa anğa ma hətar sem ngene na, wa dəba wa?

²⁵ Aləkwa na, fa səkwakwa cek masa aləkwa ma hətkwa ta dey aləkwa daa ba aran. Anda keđe, ya bəskwa mevel nğa səkwa cek aha ta zazay.

²⁶ *Mesəfney nğa Gazlavay fa jəndakwar may, maja aləkwa gədan pəreh daa cəved nğa Gazlavay. Kwa ya sərkwə cek masa aləkwa ma daa cəfdakwa fa Gazlavay ba. Ama Mesəfney nğa Gazlavay a, ta ray anğa, fa dərər dangay a Gazlavay aa slam a nğa aləkwa. Aa cəfda Gazlavay ta mevel pal, aa guzlar a Gazlavay ta mey masa ma fənar ray a ndaw-magədan nğaa guzley. ²⁷ Gazlavay ma səra cek daa mevel nğa ndaw na, a cənda cek masa Mesəfney anğa ma wudey, maja Mesəfney a faa cəfda Gazlavay amba a jənta ndəhay anğa hay anda Gazlavay

8:23 8.23 2Kwr 5.2-5; Ef 4.30 **8:24** 8.24 2Kwr 5.7; Heb 11.1

8:25 8.25 2Kwr 4.18

ma wudey.

²⁸ Ngada ndəhay ma wudmara Gazlavay, ndəhay masa Gazlavay ma zelta nga key cek anda anga ma wudey na, ya sərkwā cek hay tabiya masa ata ma hətam na, ara Gazlavay ma ka amba a terey nga cek maaya ngada ata.

²⁹ Dəga zleezle na, Gazlavay ta walata ndəhay anga hay cay. Asaya, ara anga ma wudey nga tərdata ndəhay anga hay a anda Bəzey anga. A ka anda keđe na, amba Bəzey anga a terey bəzey maa-mey-ndaw da wuzlah ndəhay nga Gazlavay masa anda məlman hay ga.

³⁰ Yaw, ndəhay masa Gazlavay ma walata ngene na, Gazlavay ta zəltərwa la nga key ndəhay anga hay may. Daa masa aa ma zelta ha na, ta pata la nga ndəhay maaya fa mey anga may. Asaya, ndəhay masa aa ma pata nga ndəhay maaya fa anga na, ta handata sem aa slam anga mewede y may.

Gazlavay a wudndakwar mandaw mandaw

³¹ Kaa wure keđe na, mey mambəkakaya nga ləvey daha saya daw? Gazlavay aa ta aləkwa, kaa ma da gwa a ray aləkwa na, wa?

³² Gazlavay ta bədərwa Bəzey anga daa ba, ama ta slərdərwa la a bəla nga məcey maja aləkwa tabiya. Anda Gazlavay ma slərdandakwara Bəzey anga na, fara fara a vəldandakwara cek hay tabiya la may.

³³ Ma gwa nga mbədtar ray ngada ndəhay masa Gazlavay ma walata na, wa? Kwa ndaw pal ma gwa daa ba, maja ara

Gazlavay ma tərdata nga ndəhay masa maaya fa mey anğa. ³⁴ Ndəhay masa Gazlavay ma walata na, ma gwa nga tərdata ta sariya na, wa? Kwa ndaw pal ma gwa daa ba, maja Yesu *Kəriste ta məcey la, ta sləkɔdawa sem daa meməcey, wure keɔe aa manjakaya ta harzəmay nga Gazlavay, fa dərey danğay maja aləkwa. ³⁵ Ma da wunkandakwar ta Kəriste amba a wuɔndakwar saba na, me? Kwa aləkwa daa banay, kwa mewulkey fa həbndakwar ray, kwa ndaw a cakalafandakwar mey, kwa aləkwa daa may, kwa aləkwa daa viya, kwa anja ndaw a wuɔfey nga kandakwar cek maaya ba, kwa ndaw a kəɔndakwar vagay na, cek hay a cəpa ŋgene, a gwa nga wunkandakwar ta Kəriste ba. ³⁶ Anda mawuzlalakaya daa ɔerewel nga Gazlavay, ma ləvey:

«Bay Gazlavay, ndəhay fa səpmandar mandaw
mandaw
nga kəɔfey vagay maja ala ndəhay akah hay.
Fa mey nga ndəhay na,
ala * anda təbaŋ hay masa ma handamata
nga hərey.»

³⁷ Ta ŋgene he cəpa, ya kakwa bay-gula la da ray banay hay a ŋgene tabiya ta gədaŋ nga ndaw ma wuɔndakwar kalah. ³⁸ Ahaw, ya səra fara fara cek ma gwa ma wunkandakwar ta ndaw masa ma wuɔndakwar kalah ha na, daa ba. Kwa ya

8:34 8.34 4.25; SNM 2.33; Heb 7.25; 1Jŋ 2.1 **8:35** 8.35 2Kwr 5.14
* **8:36** 8.36 ala: Daa Ps 44.23aa guzley da ray səkway nga Jəwif hay, ama feɔe na, Pawl aa guzley da ray ndəhay nga Yesu.
8:36 8.36 Ps 44.23; 2Kwr 4.11 **8:37** 8.37 1Jŋ 5.4-5

mæckwa, kwa alækwa ta dey, kwa maslan hay nga Gazlavay, kwa gëdan nga bay hay masa da bëla keđe ta gëdan nga mesëfney hay masa daa memed, kwa cek hay ma kam wure keđe ta cek hay ma da kam ngada fa mey, ³⁹ kwa maazla hay da gazlavay da vad, kwa daa vëged nga awaw magaza, kwa cek wura wura mekele masa Gazlavay ma katërwa, kwa meeme cëpa a gwa nga wunkandakwar ta mewudëy-vaw nga Gazlavay ba. Ara mewudëy-vaw masa anga ma wuzdërwa ta fa Yesu Këriste, Bay alækwa Mahura.

9

Mey da ray Israyel hay, ndëhay masa Gazlavay ma walata

¹ Mey masa yah ma daa guzlda keđe na, ara mey fara fara, ya mbërzley ba, maja yah na, ndaw nga *Këriste. Asaya, *Mesëfney nga Gazlavay fa wa mewulkey adaw, mewulkey adaw a fa wuzda, mey masa yah ma kada keđe na, ara mey fara fara. ² Ya wudëy nga lövey na, mewulkey fa da këfya, mevel fa caya mandaw mandaw ³ da ray sëkway adaw hay *Jëwif hay. Ala na, nga way ala pal. Da Gazlavay a sëra na, nga nësya, nga wunkandar ta Këriste amba mëlma adaw hay Jëwif a diyam. ⁴ Ata daa sëkway nga *Israyel hay. Gazlavay ta walata sem nga tëram bëz anga hay, ta wuzdatara gëdan anga la, ta jëwam mey la ta ata, ta

8:38 8.38 Ef 1.21; 1Kwr 3.22; 15.24; 1Pi 3.22 **8:39** 8.39 5.5; Jan 3.16; 2Kwr 13.13; Ef 1.4; 2.4; 1Tes 1.4; 2Tes 2.16 **9:2** 9.2-3 Mab 32.32

wuzdatara kwakwas anɗa la, ta wuztar cøved la amba a dørmar danɗay, ta wuzdatara cek maaya masa aa ma løyey a da vøldatara heyey la.

⁵ Ata na, ndøhay daa sækway nɗa papaŋ nɗa papa aløkwa hay zleezle *. Yesu Køriste may, daa masa anɗa ndaw-magødan na, anɗa ndaw daa sækway a. Ama ta nɗene he cøpa na, ta tømbara mey anɗa daa ba. Køriste he na, ara ndaw ma wata cek hay tabiya. Anja ndøhay nɗa hølmmara Gazlavay nɗa sørmataw. Amen.

⁶ Ya wufey nɗa løyey mey masa Gazlavay maa guzlda na, ta key anda aa ma løyey daa ba na, køne ba. Mey a ta key la. Ama ya wufey nɗa løyey, Israyel hay na, ara ndøhay nɗa Gazlavay cøpa ba. ⁷ *Abøraham ta yey bøza hay la. Ama bøza hay a cøpa na, ara bøk anɗa hay fara fara anda Gazlavay ma løyey ba, maja Gazlavay taa guzlar la zleezle a Abøraham a, a løyar: «Ara ta fa bøza hay nɗa bøk akah *Izak, slømay akah ma da zøley.» ⁸ Anda meløyey, bøza hay masa Abøraham ma yatørwa na, ata tabiya bøza hay nɗa Gazlavay ba. Ama bøza hay nɗa Gazlavay fara fara na, ara bøza hay masa Abøraham ma yatørwa maja Gazlavay ma løyar a da vølar bøza hay ga heyey. ⁹ Mey masa Gazlavay ma løyar

9:4 9.4 sækway nɗa Israyel hay: Mab 4.22; Aw 11.1; gødan nɗa Gazlavay: Mab 16.10; 24.16-17; 40.34-35; mejøwey-mey: MC 17.7; Mab 24.7-8; kwakwas anɗa: Mab 20-24; Gazlavay a da ka cek anda anɗa ma løyey: 3.2, 4; 4.13, 17; Gal 3.6, 14 * **9:5** 9.5 papaŋ nɗa papa aløkwa hay: Anda meløyey, Abøraham, Izak, leŋ Jakwap ta bøk anɗa hay kuraw a ray a cew. **9:5** 9.5 15.8; Mab 3.6, 15; Køriste: Mt 1.1; Rm 1.3-4 **9:6** 9.6 3.3-4; 2.28-29 **9:7** 9.7 MC 21.12; Mt 3.9 **9:8** 9.8 Gal 3.7; 4.23

a Abərahām a zleezle a da vəlar cek heyey na, mey a, a ləvey: «Haa kasl səfed anda keđe na, ya vəhwa la. Daa ŋgene, Sara ta yawa bəzey mezəle cay.»

¹⁰ Yaw, ara ŋgene daada ba. Rebeka may, ta yawa la, a yawa bəza hay cew. Ata ŋga papa ata pal. Papa ata ha na, ara dede aləkwa Izak zleezle.

¹¹⁻¹² Gazlavay a ləvar a Rebeka: «Bəzey mahura na, a da kar sləra ŋgada mecəhe.» Gazlavay maa guzlar anda keđe na, daa masa bəza hay a, a səmra ma key cek masa maaya ta maaya ba, ba araŋ, ara daa masa ata da hwaď mama ata ɗagay. Gazlavay ma ləvey anda keđe na, ŋga wuzda aŋga na, fa key cek mandaw mandaw anda aa ma wuɗey. A weley ndaw masa aa ma wuɗey. A walata na, maja sləra masa ndaw a ma ka ba. ¹³ Anda mawuzlalakaya daa ɗerewel ŋga Gazlavay ma ləvey:

«Ya weley na, Jakwap. Ezayu na, ya wuɗa ba.»

¹⁴ Da kəne na, ya da ləvkwa kwara dəba wura? Gazlavay a na, ara ndaw ma key cek ta cəved e ba dəba daw? Kay, kəne ba! ¹⁵ Gazlavay ta ləvar la a *Mawiz zleezle: «Da ya wuɗey ŋga key maaya a ndaw na, ya ka. Asaya, da ya wuɗey ŋga sərey dey-ceceh fa ndaw na, ya sərfar.» ¹⁶ Anda keđe, da Gazlavay a kar maaya a ndaw na, ara maja ndaw a ma wuɗey ba, asaya, maja sləra ŋga ndaw a ma ka ba, ama ara maja Gazlavay ma sərfar dey-ceceh. ¹⁷ Daa ɗerewel

9:9 9.9 MC 18.10, 14 **9:10** 9.10-12 MC 25.21-23; Rm 11.6 **9:13** 9.13 Mal 1.2-3 **9:14** 9.14 3.5; Mew 32.4 **9:15** 9.15 Mab 33.19; Mt 20.1-15 **9:16** 9.16 Ef 2.8

nga Gazlavay na, Gazlavay a ləvar a *Farawan, bay nga *Ejip: «Yah ma paka aa bay na, amba ya wuzdərwa gədan adaw ta fa kah, asaya, amba ndəhay da bəla cəpa a zəldamaya sləmay.»

¹⁸ Anda kefe, Gazlavay a gwa nga sərfar dey-ceceh a ndaw masa aa ma wufey, asaya, a gwa nga tərda ndaw nga macarakaya anda aa ma wufey.

Gazlavay a gwa nga key cek anda aa ma wufey

¹⁹ Da kwa ndaw a da ləvya: «Da anda kefe na, Gazlavay a mbədtar ray a ndəhay na, fa me dəba me? Ndəhay a gwamara nga təkmarə cek masa aa ma wufey nga ka daw?» ²⁰ Kah ndaw-magədan nga tede, kah na, wa may wa, amba ka kada yawa ta Gazlavay na! Manğayak maləmkaya na, a gwa nga ləvar a ndaw ma ləma: «Ka ləmya anda kefe na, maja me daw?» Kay, a gwa ba! ²¹ Ndaw ma ləma manğayak a gwa nga key cek ta hahay nga meləmey anda aa ma wufey. A gwa nga wunka hahay a cew, pal a ləmda manğayak wal membey kalah, langar may, a ləmda manğayak masa saw kəne.

²² Yaw, da Gazlavay a ka anda ndaw ma ləma manğayak na, mey akah da hwad a me? Gazlavay a wufey nga wuzdərwa na, anğa fa cey mevel da ray ndəhay, asaya, a wufey nga wuzdərwa gədan anğa a ndəhay. Ama ndəhay masa anja anğa ma da cey mevel da ray ata ta

9:17 9.17 Mab 9.16 **9:18** 9.18 Mab 4.21; 7.3; 9.12; 14.4; 1Pi 2.8 **9:20** 9.20 Iz 29.16; 45.9 **9:21** 9.21 Jer 18.6; 2Tm 2.20

masa an̄ga ma da katar sariya n̄gaa zəḏḏata na, fa bəsta kwa ara mey ba cən̄ga. ²³ Gazlavay fa bəsta na, amba a wuzdatara gəḏan̄ an̄ga a ndəhay. A wuḏey n̄ga pa gəḏan̄ an̄ga ha a ray ndəhay masa an̄ga ma sərɣatar dey-ceceh. Ta ḏiyta la dəga zleezle amba a hətam gəḏan̄ an̄ga ha. ²⁴ Ndəhay a na, ara aləkwa. Gazlavay a zəlndakwar na, da wuzlah ndəhay *Jəwif hay daada ba, ama da wuzlah ndəhay daa səkway mekele hay may. ²⁵ Ara anda Gazlavay maa guzley ta mey Awze, *ndaw ma təla mey an̄ga, ma ləvey:

«Ndəhay masa ata ndəhay aḏaw hay zleezle ba na,

ya da zəlta ndəhay aḏaw hay.

Ndəhay masa ya wuḏta ba zleezle na,

ya da zəlta ndəhay aḏaw hay mawuḏtakaya kalah.

²⁶ Daa slam masa yah ma ləvtar la a ndəhay:

“Akwar ndəhay aḏaw hay ba” na,

yah, Gazlavay masa ta dey,

ya da zəlta “bəz aḏaw hay”.»

²⁷ *Izay, ndaw ma təla mey n̄ga Gazlavay may, taa guzley la da ray *Israyel hay, a ləvey:

«Anja kwa Israyel hay ata ga a sləfam ba anda mawurbay da wayam na, Gazlavay a da ləhey daa mebərey na, ndəhay nekəḏey da wuzlah ata gway. ²⁸ Fara fara Bay Gazlavay a da ka sləra an̄ga cəpa fiyaw fiyaw da bəla anda aa

ma løyey.» ²⁹ Yaw, anda Izay a maa guzley dōga zleezle saya, a løyey:

«Da Bay Gazlavay ma wa slam da vad tabiya
ta mbəkndakwar ndəhay nekəđey
daa səkway aləkwa daa ba na,
anja ŋgene, ya ta paslakwa sem sle’
anda ndəhay daa berney ŋga Sadawm ta
ŋga Gwamar.»

Mey da ray mepey Yesu ŋga ndaw fara fara

³⁰ Kaa wure keđe, ya da ləvkwa na, kwara?
Ya ləvkwa ndəhay *Jəwif hay ba na, fa səpam
cəved amba Gazlavay a pata ŋga ndəhay maaya
fa mey anga na, daa ba. Ama Gazlavay a pata
ŋga ndəhay maaya fa mey anga na, maja ata
ma pamara *Kəriste ŋga ndaw ata fara fara.

³¹ *Israyel hay na, fa səpam *kwakwas ŋga
Mawiz amba Gazlavay a pata ŋga ndəhay maaya
fa mey anga. Ama ta hətam amba a pata ŋga
ndəhay maaya fa mey anga ha anda kwakwas a
ma wuđe na, daa ba. ³² Ta hətam daa ba maja
me? Maja a wulkam Gazlavay a da pata ŋga
ndəhay maaya fa mey anga na, ta fa cek masa
ata ma kamara gway. Fa pamara Gazlavay ŋga
ndaw ata fara fara na, daa ba. Anda keđe, salay
ata ta kəđey sem fa anɣwa mekey mecembəđey
a ndəhay, ³³ anda mawuzlalakaya daa dferewel
ŋga Gazlavay ma løyey:

«Nəka, daa berney ŋga Siyanɣw na,
ya da pey anɣwa mekey mecembəđey a
ndəhay,

ara aŋgwa ma tɔfdata ndəhay.
Ama kwa waawa ma zlembey ta aŋgwa † ha na,
a zəley marava daa ba səlak.»

10

Mey da ray Jəwif hay ma da ləham

¹ Məlma adaw hay, cek masa yah ma wufey ta mevel adaw cəpa na, anja Gazlavay ŋga ləhdata səkway adaw hay *Jəwif hay daa mebərey. Ya fa dərey danggay mandaw mandaw maja ata. ² Ya gwa ya ləvey ata na, ta vəldamara ray ata la ta mevel ata cəpa ŋga səpey cəved ŋga Gazlavay. Kwa ta səpmara cəved e la ta mevel ata cəpa na, ama ta sərmara cəved masa fara fara na, daa ba. ³ Ata ta sərmara ŋga səpey cəved masa amba Gazlavay a pata ŋga ndəhay maaya fa mey aŋga na, daa ba. A səpam amba Gazlavay a pata ŋga ndəhay maaya fa mey aŋga na, ta fa cek hay masa ata ma kamara ta har ata gway. Anda keɗe, cəved fara fara masa Gazlavay ma da pata ŋga ndəhay maaya fa mey aŋga na, a wufam ba. ⁴ Fara fara, dɔga *Kəriste ma sawa a bəla na, gədaŋ ŋga *kwakwas ŋga Mawiz ta ndəvey sem. A key anda keɗe, amba Gazlavay a pey ŋga ndəhay maaya fa mey aŋga na, ndəhay ma pamara ŋga ndaw ata fara fara.

† **9:33** 9.33 aŋgwa: A wufey ŋga ləvey Yesu. Kwa waawa ma zlembey ta aŋgwa ha na, anda meləvey, kwa waawa ma təba mey ŋga Yesu a. **9:33** 9.33 Iz 8.14; 28.16; 1Pi 2.6-8 **10:1** 10.1 9.1-3 **10:2** 10.2 SNM 22.3 **10:3** 10.3 1.17 **10:4** 10.4 Gal 3.24-25

Mey da ray ndəhay daa səkway wura wura ma da ləham

⁵ Masa *Mawiz maa guzley zleezle da ray ndaw ma wudəy amba Gazlavay a pa ŋga ndaw maaya fa mey anġa maja aa ma səpa kwakwas anġa na, a ləvey: «Ndaw ma səpa kwakwas a mandaw mandaw, ma rəsa ba səlak na, a hətəy heter la ta fa kwakwas a.» ⁶ Ama cəved amba Gazlavay a pa ndaw ŋga ndaw maaya fa mey anġa maja aa ma pa ŋga ndaw anġa fara fara na, cəved e anġa wal. Mawuzlalakaya daa dərewel ŋga Gazlavay da ray cəved e, a ləvey: «Kah ndaw-magədaŋ, ka da wulkey daa mevel akah, ka ləvey ma da təpey a gazlavay a vad na, wa?» na, ka da ləvey kəne ba. Anda meləvey, ka da ləvey «Ma da təpey a gazlavay a vad ŋga bərnġadərwa *Kəriste na, wa?» na, ka da ləvey kəne ba. ⁷ Asaya, «Ma da gwa ŋga mbəzey a wuzlah ndəhay maməctakaya na, wa?» na, ka da ləvey kəne ba may. Anda meləvey, ka da wulkam amba ndaw a daw a wuzlah ndəhay maməctakaya ŋga zəlwa Kəriste na, kəne ba. ⁸ Mawuzlalakaya daa dərewel ŋga Gazlavay, a ləvey: «Mey ŋga Gazlavay aa da cakay akah, ba na, dərəŋ ta kah ba. Aa da baazlam akah ta daa mevel akah.» Yaw, mey a na, ara mey masa ala ma wuzdamatara ŋgada ndəhay amba a təbmara. ⁹ Da kah ta mey akah, kah maa guzley la fa mey ŋga ndəhay, ka ləvey: «Yesu na, ara Bay Mahura,» asaya, da ka ta təba la ta mevel akah cəpa Gazlavay ta sləkfadərwa sem

daa meməcey na, ηgene, Gazlavay a ləhdaka la. ¹⁰ Ndaw ma pa Gazlavay ηga ndaw anğa fara fara la na, Gazlavay a, a pa ndaw aha ηga ndaw maaya fa mey anğa la. Asaya, ndaw maa guzley ta mey anğa, a ləvey: «Yesu ara Bay Mahura» na, Gazlavay a ləhda ndaw a la. ¹¹ Ahaw, mawuzlalakaya daa dərewel ηga Gazlavay, a ləvey: «Kwa waawa ma pa Gazlavay ηga ndaw anğa fara fara na, a zəley marava daa ba səlak.» ¹² Anda kefe, ndaw *Jəwif ta ndaw Jəwif ba na, ata letek. Ata cəpa bay ata na, pal, ara Bay Mahura, ndaw ma katar maaya daa masa ata faa cəfdamara ηga jənta. ¹³ Anda mawuzlalakaya daa dərewel ηga Gazlavay, ma ləvey: «Kwa waawa maa cəfda Bay Mahura ηga ləhda na, Bay Mahura ha a ləhda la.»

¹⁴ Kaa da ndəhay ta pamara Bay Mahura ha ηga ndaw ata fara fara daa ba na, a daa cəfdamara ηga ləhdata na, kwara? Yaw, kaa da ndəhay ta cəndamara mezəley ηga Bay Mahura ha daa ba na, a da pamara ηga ndaw ata fara fara ha na, kwara? Asaya, kaa da ndaw ta wuzey mey da ray Bay Mahura ha daa ba na, ndəhay a da cəndamara mey da ray a na, kwara? ¹⁵ Kaa da ndəhay maslərdatakaya ηga wuzey mey a daa ba na, a da wuzdamara mey da ray Bay Mahura ha na, kwara? Anda mawuzlalakaya daa dərewel ηga Gazlavay, ma ləvey: «Cek ma mbey anda ndəhay ma diyam ηga wuzey *Mey-maaya-mawiya a ndəhay na, daa ba.» ¹⁶ Ama

10:9 10.9 1Kwr 12.3; Fəl 2.11 **10:11** 10.11 9.33 **10:12** 10.12
3.22 **10:13** 10.13 Jwl 3.5 **10:15** 10.15 Iz 52.7

ndəhay tabiya ta təbmara Mey-maaya-mawiya ha aa mevel ata na, daa ba. Ara anda *Izay, *ndaw ma təla mey nga Gazlavay maa guzley zleezle, ma ləvey: «Waa Bay Gazlavay, ma təba mey ala masa ala ma wuzdamara da ray akah na, wa?» ¹⁷ Anda keđe, amba ndaw a təba mey nga Gazlavay na, si a cənda mey a la dʒagay. Mey masa aa ma cənda ha na, ara mey nga Kəriste.

¹⁸ Da anda keđe na, ya wudəy nga səra Jəwif hay na, ta jəkam sləmay fa Mey-maaya-mawiya ha daa ba fara daw? Fara fara, ta jəkam sləmay la. Ara anda mawuzlalakaya daa dferewel nga Gazlavay, ma ləvey:

«Ndəhay ta diyam la nga wuzey mey nga
Gazlavay
da bəla tabiya.

Day ata ta cəney la aa wura aa wura cəpa,
kwa aa slam masa dərəŋ.»

¹⁹ Ya wudəy nga səra saya, *Israyel hay na, ta cəndamara mey a daa ba fara daw? Fara fara ta cəndamara la, ama ta gəmam nga təbmara daa ba. Ya səra anda keđe na, maja Gazlavay taa guzltar la dəga zleezle ta mey Mawiz, a ləvey:

«Ya da tərdakwar nga ndəhay ma ka sələŋ
fa ndəhay daa səkway hay saw kəne.

Ya da ka amba mevel akwar a cey a ray ndəhay
masa daa səkway hay manjar lengeŋl.»

²⁰ Fa dəba ha Izay may, ta zlurey ngaa guzley daa ba, a ləvey:

«Gazlavay a ləvey:

Ndohay masa ta sɔpmaya daa ba na,
 ta hɔtmaya la ta dey ata.
 Ya ta wuzda vaw adaw la ngada ndohay
 masa kwa maa cɔfdamara mey adaw daa
 ba.»
 21 Da ray ndohay Israyel hay na, Gazlavay taa
 guzley la saya ta mey Izay, a lɔvey:
 «Ya vɔrndeɣ hipas, har adaw mawurkaya
 nga tɔftɔrwa ndohay ma kam hɔma a ray
 adaw
 amba a vɔhmawa, ama ata ta cɔnmaya mey daa
 ba.»

11

Mey da ray Gazlavay ma sɔrfatar dey-ceceh a Israyel hay

¹ Yaw, ya wudɛy nga sɔra saya, da anda kaa na, Gazlavay ta mbɔɔtar dɔba sem a ndohay anɣa hay *Israyel hay daw? Kay, daa ba sɔlak! Yah ray adaw na, yah ndaw Israyel, yah daa sɔkway nga Benjamen. Benjamen e may, ara ndaw daa sɔkway nga *Abɔraham. ² Fara fara, Gazlavay ta mbɔɔtar dɔba a ndohay anɣa hay Israyel hay masa aa ma walata dɔga zleezle na, daa ba. Ka sɔrfadamara mey mawuzlalakaya daa dɛrewel nga Gazlavay da ray *Eli ma tɔway fa mey nga Gazlavay maja Israyel hay heyey saba daw? A lɔvey: ³ «Waa Bay Gazlavay, ta kɔɔmata ndohay ma tɔla mey akah hay sem cɔpa vagay, mendɔrey yah pal taava adaw. Fa sɔpmaya nga

10:20 10.20 Iz 65.1; Rm 9.30 **10:21** 10.21 Iz 65.2 **11:1** 11.1
 SNM 22.30; 2Kwr 11.22; Gal 1.13-14; Fɛl 3.5 **11:2** 11.2 11.29;
 Ps 94.14; Jer 31.37

kədəy vagay may. Asaya, ta bəzlmata slam hay mēfəkey cek ɲgada kah sem.» ⁴ Kaa Gazlavay a mbəddara a Eli a na, kwariya? A mbəddara, a ləvar: «Kay, mēdərəy kah pal taava akah ba! Ya ta bəy ndəhay gabal maasala la ɲgada yah. Ara ndəhay masa ta namar ray ɲgada kuley mezəley Bal daa ba.» ⁵ Yah, Pawl, ya fa ləvkwar, kwa haa wure keđe na, anɲa letək kəne may, Gazlavay ta mbəkey ndəhay siya la da wuzlah Israyel hay masa anɲa ma walata maja anɲa ma sərfatar dey-ceceh. ⁶ Gazlavay a walata ndəhay a na, maja anɲa ma sərfatar dey-ceceh, ba na, maja sləra ata ba. Anja da a walata maja sləra ata na, ɲgene ta sərfatar dey-ceceh daa ba.

⁷ Kaa wure keđe, mey a, a wudəy ɲga ləvey na, kwara? Israyel hay na, ta hətam cek masa ata ma səpmara na, daa ba, si ndəhay nekədəy masa Gazlavay ma walata na, ta hətam la. Har-gədan ɲga ndəhay da wuzlah ata na, ta wudəm ɲga cəndamara dəy ɲga Gazlavay na, daa ba. ⁸ Anda mawuzlalakaya daa dərewel ɲga Gazlavay, ma ləvey: «Gazlavay ta ɲgərdatara ray ata sem, ta wulfatara dey ata sem, ta dəzltara sləmay ata sem, haa wure keđe ata kəne cəɲga.» ⁹ Bay *Davit taa guzley la saya, a ləvey:

«Cek hay masa ata ma zəmamara ɲgene na,
 ɲga kərzata fa dəy anda ɲgam-ɲgam ma
 kərzey cek,
 anja ɲga tərey ɲga vəgeđ amba a tədam a hwad
 a,

11:3 11.3-4 1Bay 19.10, 14, 18 **11:5** 11.5 9.27 **11:6** 11.6
 4.5; Gal 3.18 **11:8** 11.8 Iz 29.10; Mew 29.3; Mt 13.14-15

a sɛram banay tɛde fa slɛra ata.

¹⁰ Anja dey ata nga wulfey amba a hɛtmar dey saba,
anja nga gɛbdamara dɛba mandaw mandaw
maja banay ata.»

¹¹ Ya wudey nga sɛra mey a saya, *Jɛwif hay ma zlangadam daa cɛved nga Gazlavay na, ta zlangadam sem nga tar fara daw? Kay, daa ba sɛlak. Ama maja mebɛrey masa ata ma kamara na, ndɛhay masa Jɛwif hay ba hay ata ta cɛved nga lɛhey daa mebɛrey. A key anda ngene na, amba Jɛwif hay a, a kam sɛlen ta ndɛhay masa Jɛwif hay ba hay. ¹² Jɛwif hay ta kam mebɛrey la, maja ngene, Gazlavay ta katar maaya la a ndɛhay da bɛla tabiya. Jɛwif hay ta zlangadam sem daa cɛved nga Gazlavay, maja ngene, Gazlavay ta', a pɛstar mey a ndɛhay masa Jɛwif hay ba hay. Yaw, da Gazlavay ta katar maaya la a ndɛhay masa Jɛwif hay ba hay maja Jɛwif hay ta zlangadam sem daa cɛved aɗga na, kaa wara a katar maaya ma fɛna ta pas masa ndɛhay Jɛwif hay tabiya ma da vɛhmawa fa vɛda nga lɛhey, ba daw?

Mey da ray ndɛhay masa Jɛwif hay ba hay ma da lɛham

¹³ Wure kedɛ, ya wudey ngaa guzlkwar ngada akwar ndɛhay masa *Jɛwif hay ba hay. Yah na, *ndaw-meslɛrey nga Yesu masa Gazlavay ma slɛrdɛrwa nga wuzey mey ngada akwar ndɛhay masa Jɛwif hay ba hay. Ya faa sɛmey ga da ray

slëra adaw a. ¹⁴ Ya wudey na, səkway adaw hay Jəwif hay a nəkam dey fa slëra masa yah ma ka da wuzlah ndəhay masa Jəwif hay ba hay, a səpam cəved' amba Gazlavay a ləhdata may. ¹⁵ Masa Gazlavay ma mbədtar dəba sem a ndəhay adaw Jəwif hay na, ta', a cəmtar dəy nga ndəhay siya da bəla ta anğa ray anğa. Da anda kedə na, ta pas masa Gazlavay ma da təbta aa slam a na, ma da key na, me? Cek maaya a key la. Ndəhay masa maməctakaya a sləkdamawa la daa meməcey.

¹⁶ Sərmara, da ta cam peŋ la teesəd nga vəley ngada Gazlavay na, peŋ e siya tabiya na, ara nga Gazlavay a may. Asaya, da a vəlmar slaslalay hay nga wudez na, mey-har hay nga wudez e cəpa ngada anğa may. ¹⁷ Səkway nga *Israyel hay na, anğa anda wudez maaya marəvkaya masa mey-har hay siya madəsltakaya. Ama akwar masa Jəwif hay ba na, akwar anda mey-har hay nga wudez saw manjəbtakaya fa wudez maaya marəvkaya masa mey-har hay siya madəsltakaya heyey. Wure kedə, ka da hətam cek maaya maja akwar manjəbtakaya fa wudez maaya heyey. ¹⁸ Da anda kaa na, ka da rəsmata ndəhay masa anda mey-har hay nga wudez madəsltakaya ngene ba. Akwar fa zlapam da ray ata na, maja me? Akwar na, mey-har hay gway. Ma kərza slaslalay na, ara mey-har hay ba, ama ara slaslalay ma kərza mey-har hay, ba diya?

¹⁹ Da kwa ndəhay siya da wuzlah akwar a daa guzlam, a ləvam: «Gazlavay a dəsłta meyh-ar hay a na, amba a njəbey yah aa slam aha.»

²⁰ Ahaw, kəne fara. Ama Gazlavay a dəsłta na, maja ata ma pamara ŋga ndaw ata fara fara daa ba. Yaw, aŋga ma njəbkwar aa slam ata na, maja akwar ma pamara ŋga ndaw akwar fara fara. Maja ŋgene, ka da zlapam saba, ama maaya na, ka zlıram ta Gazlavay. ²¹ Jəwif hay na, ara ndəhay masa mapatakaya anda meyh-ar ŋga wudez masa maaya. Da Gazlavay ta sərfatar dey-ceceh daa ba na, ka wulkam a sərfakwar dey-ceceh la daw?

²² Nəkmara, Gazlavay na, a gwa a key maaya a ndaw, asaya, a gwa a cey mevel a ray ndaw may. Aŋga na, fa cey mevel da ray ndəhay masa ma zlangadam sem daa cəved aŋga. Ama faa həmdakwar, akwar ndəhay masa daa cəved aŋga. Si ka kamar cek ma mbafar mandaw mandaw, da daa ba na, a da dəsłkwar anda meyh-ar hay ŋga wudez e may. ²³ Jəwif hay na, da ata ta vəhmawa sem aa cəved ŋga Gazlavay, a pamara ŋga ndaw ata fara fara na, Gazlavay a, a njəbta la aa slam ata fa wudez masa maaya heyey saya, maja Gazlavay aa ta gədan ŋga vəhdatərwa, a njəbta aa slam ata cəŋga. ²⁴ Akwar ndəhay masa Jəwif hay ba, akwar na, anda meyh-ar hay ŋga wudez saw da ley masa ma dəsłmərwa ŋga njəbey fa wudez masa maaya. Yaw, da Gazlavay ta gwa ŋga ka cek masa ta banay anda keđe sem na, ka wulkam aŋga ta banay amba a vəhdatərwa Jəwif hay

masa mapatakaya ta cakay heyey aa slam ata daw?

Mey da ray Israyel hay ma da ləham daa mebərey

²⁵ Məlma adaw hay, ya wudəy ka sərmara mey mabadakaya daha, amba ka pamara ray akwar nga ndəhay ma səra cek kalah ba. Ahaw, *Israyel hay siya na, ray ata maŋgərdakaya. Ama ta pas masa ndəhay *Jəwif hay ba hay masa Gazlavay ma wudəy nga ləhdata ta ləham cay na, Israyel hay siya hay a na, a mbəddamara menjey ata la, a pamara Gazlavay nga ndaw ata fara fara. ²⁶ Anda kedə na, Gazlavay a ləhdata ndəhay Israyel hay la cəpa anda mawuzlalakaya daa dərəwel anğa ma ləvey:

«Ndaw ma da ləhdata ndəhay a da bawa

daa anğwa nga *Siyanw*.

A da mbəkdatara mebərey nga ndəhay daa səkway nga Jakwap.

²⁷ Kedə he na, ara *mejəwey-mey adaw ta ata ta pas masa yah ma da mbəkdatara mebərey ata.»

²⁸ Ata ta təbmara *Mey-maaya-mawiya daa ba, anda kedə, ta təram sem nga masa-gəra hay nga Gazlavay. A key anda kedə na, amba akwar ndəhay Jəwif hay ba hay na, Gazlavay a ləhdakwar daa mebərey. Ama taa slam lanğar Gazlavay ta walata la maja ata na, ndəhay anğa hay mawudtakaya kalah, asaya, maja ta jəwam

11:25 11.25 Mt 24.14; Jan 10.16 * **11:26** 11.26 anğwa nga Siyanw: A wudəy nga ləvey ndəhay Jəwif hay, da daa ba, berney nga Jeruzelem. **11:26** 11.26-27 Iz 59.20-21; 27.9; Jer 31.33-34

mey la ta papaŋ ŋga papa ata hay zleezle.
²⁹ Da Gazlavay ta wala ndaw sem, asaya, da ta kar maaya la a ndaw a na, a da njeŋ anda ŋgene, fa da mbəɗɗa mewulkey aŋga daa ba.

³⁰ Akwar ndəhay masa Jəwif hay ba hay na, zleezle akwar fa namar ray a Gazlavay daa ba. Ama Gazlavay ta sərfakwar dey-ceceh la wure keɗe, maja ndəhay Jəwif hay ma namar ray ba. ³¹ Wure keɗe masa ata ma namar ray a Gazlavay ba ŋgene na, Gazlavay ta sərfakwar dey-ceceh la aa slam a ŋga ata. A key anda keɗe amba ata may, a mbəɗɗamara menjeŋ ata amba Gazlavay a sərfatar dey-ceceh. ³² Yaw, anda keɗe, Gazlavay na, ta vɛltar cəved la a ndəhay tabiya amba a namar ray ba. A ka anda keɗe amba aŋga may, a sərfatar dey-ceceh a ndəhay ndav.

Mey da ray gədaŋ ŋga Gazlavay

³³ Nəka! Gazlavay fa sərfatar dey-ceceh fara fara a ndəhay. Aŋga ndaw ta lenjesl, a sərta cek hay tabiya. Cek masa daa mevel aŋga na, ndaw ma gwa ŋga səra daa ba. Cek masa aa ma wufey ŋga ka na, ndaw ma gwa ŋga səra daa ba. ³⁴ Anda mawuzlalakaya daa ɗerewel ŋga Gazlavay ma ləvey:

«Ma səra mewulkey ŋga Gazlavay na, wa?

Ma gwa ŋga kəta Bay Gazlavay na, wa?

³⁵ Ma vɛlar cek a Gazlavay

ma fəna cek masa aa ma vɛldara na, wa?

11:29 11.29 3.3-4; 15.8
 11.33 Jəw 11.7; Ps 139.17

11:32 11.32 3.22; Gal 3.22

11:33

11:34 11.34 Jəw 15.8; Iz 40.13

Kwa ndaw pal daa ba sɛlak.»

³⁶ Ma lɛmtɛrwa cek hay cɛpa na, ara aŋga. Fa nɛkfatar dey fa cek hay a tabiya amba cek hay a, a njam na, dasi har aŋga. Anja ndɛhay ŋga hɛlmamara Gazlavay ŋga sɛrmataw. *Amen.

12

Ya da kakwar slɛra a Gazlavay na, kwara?

¹ Mɛlma adaw hay, Gazlavay ta sɛrfakwar dey-ceceh la ga kalah. Anda kedɛ, ambahw, vɛldamara ray akwar tabiya ŋgada aŋga. Da ka vɛldamara ray akwar tabiya ŋgada aŋga ha na, a key ŋgene, ka vɛlmar cek maaya ma mbafar. Kedɛ ara cɛved masa fara fara ŋga ney ray a Gazlavay. ² Ka da sɛpam kwakwas ŋga ndɛhay masa da bɛla kedɛ ba. Vɛlmar cɛved a Gazlavay ŋga wey da ray akwar amba mewulkey akwar a mbɛdɛy, mevel akwar a key maaya. Da akwar fa kamara anda kedɛ na, ka sɛrmara cek masa Gazlavay ma wudɛy la. Anda melɛvey, ka sɛrmara cek masa maaya, ma mbafar, masa fara fara anda aŋga ma wudɛy.

³ Gazlavay na, ta kaya maaya la, ta paya la ŋga ndaw aŋga meslɛrey. Ara maja ŋgene, ya fa lɛvkwar ŋgada akwar tabiya, ndaw a da pa ray aŋga ŋga ndaw mahura ma fɛna gɛdan aŋga ba. Ama kwa waawa ŋga nɛka gɛdan aŋga amba a sɛra aŋga na, kwara. Kwa waawa ŋga nɛka menjey aŋga tɛdɛ ta masa aa ma tɛba

mey nga Gazlavay ngene na, cay gway. ⁴ Ka sɛrmara kwa waawa da wuzlah akwar na, anɗa ta vaw pal, ama mezɔvey hay fa vaw a na, ata ga. Kwa mezɔvey wura wura na, anɗa ta slɛra anɗa wal. ⁵ Alɛkwa may kɛne, alɛkwa ga, ama alɛkwa cɛpa ya ta tɛrkwa sem nga vaw pal maja alɛkwa macɛmkaya ta *Kɛriste. Alɛkwa tabiya macɛmkaya pal anda mezɔvey nga vaw macɛmkaya fa vaw nga ndaw pal. ⁶ Gazlavay ta vɛlndakwar gɛdan la mekele mekele anda aa ma wudɛy nga vɛlda a ndaw a, ndaw a. Anda kede, kwa waawa nga kada slɛra ta gɛdan masa Gazlavay ma vɛldara ha. Da ndaw anɗa ta gɛdan nga tɛley mey nga Gazlavay na, nga tɛley mey masa Gazlavay ma wuzdara ngene gway. ⁷ Da ndaw aa ta gɛdan nga jɔney ndɔhay na, maaya a jɔnta. Da ndaw aa ta gɛdan ngaa sɛrkedey ndɔhay na, maaya aa sɛrkadata. ⁸ Da ndaw aa ta gɛdan nga dɛktar mevel a ndɔhay amba a hɛtam gɛdan na, maaya a dɛktar mevel. Da ndaw aa ta gɛdan nga wunka cek anɗa ta ndɔhay na, nga vɛlda ta mevel maaya. Da ndaw aa ta gɛdan nga key *bay-ray daa *mecɛmey-ray nga ndɔhay nga Yesu na, nga ka slɛra anɗa ta cɛved e. Da ndaw aa ta gɛdan nga key maaya a ndɔhay masa daa banay na, nga katara ta meesɛmey.

⁹ Si ka wudam vaw da wuzlah akwar ta mevel pal, ba na, ka da wudam vaw ta mey daada ba. Ka da tɛbmara nga key cek hay malamba ba. Ama sɛpam na, nga key cek masa maaya ta

12:3 12.3 1.5; Mt 20.26; 1Kwr 12.11, 28; Ef 4.17 **12:4** 12.4-5
 1Kwr 12.27 **12:6** 12.6-8 1Kwr 12.4-11; 12.27-14.40; 1Pi 4.10-11
12:7 12.7-8 SNM 6.1-3; 2Kwr 9.5, 7

cøved e. ¹⁰ Wudam vaw da wuzlah akwar maja akwar cøpa na, mølmanḡ hay daa mecømey-ray ḡga ndøhay ḡga Yesu. Anja kwa waawa ḡga nar ray a ndaw a, ndaw a da wuzlah akwar ta mevel maaya. ¹¹ Vøldamara ray akwar ḡga key sløra ta gødanḡ akwar cøpa. Ka da tøram ndøhay masamayad hay ba. Kamar sløra a Bay Mahura ta mevel akwar ndav. ¹² Akwar fa søkwan cek masa Gazlavay ma løvey a da vøldakwara. Anda keðe, sasømam mandaw mandaw. Da akwar daa banay na, bøsmara banay a. Kam gødanḡ ḡga dørey danḡay mandaw mandaw. ¹³ Ndøhay ḡga Gazlavay masa cek ata hay daa ba na, jønmeta, asaya, tøðmeta maaya maaya a way akwar hay.

¹⁴ Ndøhay masa ma sørdamakwar banay na, cacøfdamara Gazlavay ḡga pøstar mey. Cacøfdam na, amba Gazlavay a pøstar mey, ba na, a nøsta ba. ¹⁵ Yaw, da ndøhay ata daa meesømey na, sasømam bama. Da ndøhay ata daa matøway na, tøwam bama. ¹⁶ Akwar da wuzlah akwar na, njam ðay macømkaya letek. Ka da søpam ḡga tørey mahura da ray ndøhay siya daa mecømey-ray akwar ba. Kwa sløra masa wura wura na, kamara ta meney ray. Ka da pamara ray akwar ḡga ndøhay ma søra cek hay kalah ba.

12:9 12.9 2Kwr 6.6; 8.24; 1Tm 1.5; 1Pi 1.22; 1Kwr 13.4-7 **12:10** 12.10 14.15; Janḡ 13.14-15; Gal 5.13; 6.3, 10; Ef 4.2; Føl 2.2-3 **12:11** 12.11 8.9; Gal 5.25; CWJ 3.15 **12:12** 12.12 5.2-3; 8.24-25; Mt 24.13, 22; Lk 18.1; 1Kwr 10.13; 1Tes 2.14 **12:13** 12.13 Gal 6.10; Heb 13.2 **12:14** 12.14 Mt 5.44 **12:15** 12.15 Jøw 30.25; 1Kwr 12.26; 2Kwr 11.29 **12:16** 12.16 MM 3.7; 1Kwr 1.10-11, 19-20, 27-28; 8.1

¹⁷ Da ndaw ta kakwar cek maaya ba la na, ka da madamara a ndaw a ba. Ama sɔpam na, nga key cek hay masa maaya masa ndɔhay maa hɔmdamara. ¹⁸ Anja da ka gwamara na, kam cek hay masa tɔfɛ ta gɔdan akwar amba ka njam ta ndɔhay tabiya daa zazay. ¹⁹ Jam adaw hay, da ndaw ta kakwar cek maaya ba la na, ka da madamara a ndaw a ba. Mbɛkdamara amba Gazlavay a cey mevel a ray a, maja mawuzlalakaya daa dɛrewel nga Gazlavay, Gazlavay a lɔvey: «Cek masa ndaw ma ka maaya ba na, ma da pɔla na, yah. Ara yah, ma da kar cek maaya ba.»

²⁰ Mawuzlalakaya daa dɛrewel nga Gazlavay saya, a lɔvey: «Da masa-gɛra akah, may fa car na, vɔlar cek nga zɔmey. Da yam fa kar na, vɔlar yam nga sey. Da ka fa ka kɔne na, hwaray a kar la, a mbɛdda menjey anja la.» ²¹ Ka da mbɛkda ray akah nga hɔbɛy maja ndaw ma kaka cek maaya ba amba ka madara na, kɔne ba. Ama si ka key cek maaya amba ka key bay-gula da ray cek maaya ba ha.

13

Mey da ray meney ray ngada bay-ray hay nga ngwamna

¹ Maaya na, kwa waawa a natar ray ngada *bay-ray hay nga ngwamna, maja kwa waawa ma key bay-ray na, ara Gazlavay ma vɔldara. Yaw, bay-ray hay tabiya nga ngwamna na, ara

Gazlavay ma pata. ² Anda keɗe, kwa waawa ma natar ray ba na, a key ɳgene a mbəkda cəved masa Gazlavay ma wufey. Ndaw ma natar ray a bay-ray hay a ba na, sariya a təɗda la. ³ Ndaw ma key cek ta cəved e na, a zlurey ta bay-ray hay ɳga ɳgwamna ba, ama ndaw ma key cek ta cəved e ba na, si a zlurey ta ata. Ka wufam ɳga zlurey ta bay-ray hay ɳga ɳgwamna ba, ba diya? Anda keɗe, si ka kam cek ta cəved e amba aa həmdamakwar. ⁴ Fara fara bay-ray hay ɳga ɳgwamna na, fa kamar sləra ɳgada Gazlavay ɳga jənkwar amba ka kam cek ta cəved e. Ama da akwar fa kam cek ta cəved e daa ba na, si ka zluram ta bay-ray hay a, maja ata ta gədaɳ ɳga sərdamakwar banay. A da sərdamakwar banay a na, ɳga tede ba. Da ndəhay ma ka cek ta cəved e ba, bay-ray hay a fa sərdamata banay na, a key ɳgene, a kamar sləra a Gazlavay. Anda keɗe, ata fa wuzdamərwa na, Gazlavay fa cey mevel a ray ndəhay ma ka cek ta cəved e ba. ⁵ Da anda keɗe na, ɳga maaya amba ka namatar ray a bay-ray hay ɳga ɳgwamna. Ka namatar ray na, maja Gazlavay ma da sərdakwar banay daada ba, ama maja ka sərmara ara cek ta cəved e.

⁶ Ara maja ɳgene, akwar ma pəlam budaw may. Ndəhay ma cakala budaw a na, ara ndəhay masa Gazlavay ma pata ɳga ka sləra ha. ⁷ Cek masa ndəhay ɳga ɳgwamna ata ta cəved ɳga cəɗafamakwar na, vəldamatara. Da ara budaw na, vəldamatara a ndəhay ma cakala budaw a.

Da ara dala nga cek mekele masa ngwamna maa cəfdafakwar na, vəldamara. Da ara nga ney ray ngada bay-ray hay nga ngwamna na, namatar ray.

Mey da ray menjey ta mewufey-vaw

⁸ Ka da njam ta dəvaz nga ndaw da ray akwar ba. Ama dəvaz pal da ray akwar daha amba ka pəlmara mandaw mandaw. Dəvaz a na, ara mewufey-vaw da wuzlah akwar. Ndaw ma wufey ndaw na, a key a nar ray fara fara ngada kwakwas nga Gazlavay. ⁹ Gazlavay a ləvey: «Ka da ley vaw saw ba, ka da kədey ndaw vagay ba, ka da leley ba, ka da key dey fa cek nga ndaw ba.» *Mewey hay a kede ta siya hay cəpa na, macəmkaya daa mey pal ma ləvey: «Wuɗa meseembew akah anda kah ma wuɗa ray akah.»

¹⁰ Ndaw ma wufey ndaw na, kwa fa da kar cek maaya ba ngada ndaw aha daa ba. Anda kede, da ka wufey ndaw na, a key ngene, ka nar ray maaya maaya a kwakwas nga Gazlavay.

Mey da ray mewey vaw nga səkwey Yesu ma da vəhwa

¹¹ Wure kede na, ka sərmara, pas a ta wuswa cay. Ara pas masa akwar ma da sləkdam daa ɗar. Ahaw, pas masa Gazlavay ma da ləhdakwar da bəla kede na, aa gweegwe cay. Pas a na, aa gweegwe da ray pas masa akwar ma təbmara mey nga Yesu təlam heyey. ¹² Tavad fa ndəvey

13:7 13.7 Mt 22.21 **13:8** 13.8-10 Jan 13.34; 1Kwr 13; 16.14; Gal 6.10 **13:9** 13.9 Mew 5.17-21; Lev 19.18; Mt 22.34-40; Gal 5.14; Jak 2.8-13 **13:11** 13.11 Ef 5.14-16; 1Kwr 7.29-31 **13:11** 13.11-12 1Tes 5.5-8

*, mamba slam a wurey †. Anda keɗe, ya da kakwa cek maaya ba anda ndəhay daa ləvan saba. Ama jəwkwa vaw ta cek hay ma ka vəram ŋga key bay-gula da ray cek hay maaya ba anda ndəhay daa slam-mewedey. ¹³ Maaya na, menjey aləkwa a key maaya anda ndəhay daa slam-mewedey. Anda meləvey, ya da kakwa wasa malamba ba, ya da wakwa ba, ya da lakwa vaw saw da palah ba, ya da kakwa cek hay malamba ba, ya da təkwa vaw ba, asaya, ya da kakwa sələŋ fa cek ŋga ndaw ba may.

¹⁴ Anja maaya na, ka vəlmar cəved a Bay Mahura Yesu *Kəriste ŋga wey da ray akwar. Cek hay malamba masa akwar ma wudam kalah na, ka da kamara saba.

14

Mey da ray ndəhay masa ta gədan leŋ da ray ndəhay masa ta gədan pəreh

¹ Ndəhay masa ta gədan pəreh daa mey ŋga Gazlavay na, təbmata a wuzlah akwar. Ka da mbədmatar ray da ray mewulkey ata ba.

² Ya wudfey ŋгаа guzlkwar na, da ray cek mezəmey. Ndəhay siya a wulkam na, cek hay

* **13:12** 13.12 tavad fa ndəvey: Ara mey-menjey da ray bəla keɗe ta ndəhay ma kam mebərey. A wudfey ŋga ləvey bəla gweegwe a ndəvey. † **13:12** 13.12 mamba slam a wurey: Ara mey-menjey da ray maaya ŋga Gazlavay ma da sawa a ray ndəhay. Ara pas masa aləkwa ma da njakwa ta Gazlavay da vad.

13:12 13.12 Ef 5.11; 6.11, 13; 1Jŋ 2.8 **13:13** 13.13 Lk 21.34; Ef 5.18 **13:14** 13.14 Fəl 2.5; Kwa 3.15 **14:1** 14.1 15.7 **14:1** 14.1-15.6 1Kwr 8.1-13; 9.22; 10.23-33; Kwa 2.16, 20-22; 1Tm 4.4-5; Heb 13.9

tabiya mezəmey. Anda keđe, ata na, a zəmamara cek hay tabiya. Ama ndaw masa ta gədan pəreh daa mey nga Gazlavay na, a zlurey nga zəmey cek wura wura *, a zəmey na, si gwaslaf nga lar daada gway. ³ Anda keđe, ndaw masa ma zəmey aslaw na, a da rəsa ndaw masa ma zəmey gwaslaf nga lar daada gway ba. Yaw, ndaw masa ma zəmey gwaslaf nga lar daada gway na, a da mbədar ray a ndaw masa ma zəmta cek hay tabiya ba may, maja ata cewete Gazlavay ta təbta sem, ta mbəkdata daa ba. ⁴ Kaa kah na, wa amba ka mbədar ray a ndaw ma ka sləra nga ndaw mekele na! Da ndaw a, a key sləra maaya, da a key sləra maaya ba na, si bay anğa ma da nəka sləra anğa ha gway. Fara fara, ndaw a, a key sləra ta cəved e la, maja Bay Mahura, bay anğa, aa ta gədan nga jəna ndaw ma ka sləra ha nga key sləra maaya.

⁵ Ndaw mekele a wulkey dər hay mekele na, maaya a fəna dər hay siya. Ndaw mekele saya a wulkey dər hay cəpa na, ata letək. Anda keđe, anja kwa waawa nga səra cek masa anğa ma wulkada daa mevel anğa maaya maaya. ⁶ Ndaw masa ma wulkey dər hay mekele a fəna siya hay na, a key nğene, a wudəy nga həslar ray a Bay Mahura Yesu. Yaw, ndaw masa ma zəmta cek hay cəpa na, a key nğene, a wudəy nga həslar ray a Bay Mahura may, maja fa kar suse

* **14:2** 14.2 a zlurey nga zəmey cek wura wura: Ndəhay a zloram nga zəmey cek wura wura na, maja aslaw masa kwakwas nga Jəwif hay ma təkə sem, a wudəm nga zəmey ba, asaya, a wudəm nga zəmey aslaw nga kuley ba. **14:2** 14.2 Dan 1.8; 1Kwr 10.25-28 **14:5** 14.5 Gal 4.10

a Gazlavay fa cek hay masa an̄ga ma zəm̄ta ha. Asaya, ndaw masa ma zəm̄ta cek hay cəpa ba na, a key n̄gene, a wud̄ey n̄ga həs̄lar ray a Bay Mahura may, maja fa kar suse a Gazlavay fa cek hay masa an̄ga ma zəm̄ta ha.

⁷ Ya sər̄kwa, kwa alək̄wa ta dey da bəla keḏe, kwa alək̄wa ta mək̄wa sem na, ya wakwa ray alək̄wa ba. ⁸ Daa masa alək̄wa ta dey keḏe na, alək̄wa man̄jatakaya n̄ga kar sləra a Bay Mahura. Yaw, da masa alək̄wa ma mək̄wa sem may, ya mək̄wa na, n̄ga həs̄lar ray a Bay Mahura. Anda keḏe, kwa alək̄wa ta dey, kwa alək̄wa mamə̄ctakaya na, alək̄wa cəpa ndəhay n̄ga Bay Mahura Yesu *Kəriste. ⁹ Sərmara, Kəriste ta məcəy la, ama ta slək̄dawa sem daa meməcəy a n̄ga key bay n̄ga ndəhay masa ta dey ta masa mamə̄ctakaya. ¹⁰ Da anda keḏe na, kah, ka mbəḏar ray a məlmakw, ka me? Kah, ka rəsa məlmakw, ka me? Alək̄wa cəpa na, ya da nakwa fa mey n̄ga Gazlavay, a kandakwar sariya. ¹¹ Anda mawuzlalakaya daa ḏerewel n̄ga Gazlavay, ma ləvey:

«Yah, Bay Gazlavay masa ta dey, ya fa ləvey fara fara,
ndəhay tabiya a da ragadam fa mey aḏaw,
kwa waawa a da həs̄lya ray,
a da ləvey yah na, Gazlavay an̄ga.»

¹² Anda keḏe, kwa waawa a da kada cek masa an̄ga ma ka fa mey n̄ga Gazlavay.

14:6 14.6 1Tm 4.3-5 **14:7** 14.7-9 2Kwr 5.14-15; Gal 2.19-20

14:10 14.10 2.6 **14:11** 14.11 Iz 45.23-24 **14:12** 14.12 Gal

Mey da ray mepey lengesl fa mælmanj hay mekele mekele

¹³ Da anda keđe na, ya da mbəđtakwar ray a mælma aləkwa hay saba. Ka da kam cek ŋga həlda mælmakw akwar ŋga key mebərey ba.

¹⁴ Yah na, yah ndaw ŋga Bay Mahura Yesu. Anda keđe, ya səra fara fara, cek matəkakaya ŋga zəmey na, daa ba. Ama da ndaw a wulkey cek keđe aŋga maaya ba ŋga zəmey na, cek aha aa maaya ba na, ŋgada aŋga gway. ¹⁵ Anda keđe, da mælmakw a cey mevel a ray akah maja kah ma zəmey cek wura wura na, ŋgene ka ta səpey mewuđe-yaw daa ba. *Kəriste a məcey na, maja aŋga may. Maaya na, anja cek masa kah ma zəma na, aa zəđda mælmakw ba. ¹⁶ Da ka wulkey cek aha aŋga maaya ŋga key, ama ka nəka ndəhay fa pamara ŋga cek maaya ba na, ŋgene, ka da ka ba. ¹⁷ Mewey ŋga Bay Gazlavay da ray ndəhay na, ara mey da ray cek mezəmey ta cek mesey ba. Ama mewey ŋga Gazlavay da ray ndəhay na, ara menjey maaya fa Gazlavay, menjey daa zazay, asaya, menjey daa meesəmey masa Mesəfney aŋga ma vəldərwa.

¹⁸ Yaw, da ndaw a kar sləra a Kəriste anda keđe na, a mbafar a Gazlavay la, asaya, ndəhay aa həmdamara ndaw a la may.

¹⁹ Maja ŋgene, kakwa gədanj ŋga key cek ma handawa zazay ta ŋga key cek ma jəndakwar ŋga hətey gədanj daa mey ŋga Gazlavay da

14:13 14.13 1Kwr 10.32; 1Jj 2.10 **14:14** 14.14 14.23; Mt 15.11; SNM 10.15; Tit 1.15 **14:15** 14.15 1Kwr 8.1, 11-13; 13; Gal 6.10
14:17 14.17 Mt 6.31-33; 1Kwr 8.8; Gal 5.22-24

wuzlah aləkwa. ²⁰ Ka da nəsmara sləra ŋga Gazlavay ta cek mezəmey ba. Ahaw, fara fara cek mezəmey cəpa na, aŋga maaya, ama da cek mezəmey a da həlda məlmakw ŋga key mebərey na, ŋgene, ŋgama kah ma zəma ba. ²¹ Ŋgama na, ka zəmam aslaw ba, ka sam wuzam ba. Kwa cek wura wura masa ma həlda məlmakw ŋga key mebərey na, mbəkdamara. ²² Mey masa akwar ma təbmara da ray mezəmey cek ta da ray mezəmey cek ba na, ka da wuzdamara a ndaw ba, si akwar ta Gazlavay gway. Ndaw masa ma key cek ta mevel aŋga cəpa, a wulkey cew cew ba na, maaya ŋga Gazlavay aa da ray a. ²³ Ama ndaw masa fa wulkey cew cew da ray cek mezəmey, a zəma cek aha na, ŋgene, Gazlavay a kar sariya la ŋgaa zədda maja ta zəma cek aha ta mevel pal daa ba. Yaw, kwa meeme masa ndaw ma ka ta mevel cew cew na, a key ŋgene, a key mebərey.

15

Mey da ray mekey maaya ŋgada ndəhay

¹ Aləkwa ndəhay masa ta gədan daa mey ŋga Gazlavay *, maaya na, ya jəntakwa ndəhay masa ta gədan pəreh daa mey a. Ya da kakwa cek masa ma mbafandakwar daada ba. ² Maaya na, kwa waawa a key cek masa ma mbafatar a

14:21 14.21 1Kwr 8.13 **14:23** 14.23 14.14 * **15:1** 15.1 ndəhay masa ta gədan daa mey ŋga Gazlavay: Fede Pawl a wufey ŋga ləvey ndəhay masa ta gədan na, ara ndəhay ma səpam kwakwas ŋga Mawiz saba, ama ara ndəhay ma pamara Yesu ŋga ndaw ata fara fara. **15:1** 15.1-2 14.1-2; 1Kwr 8.1-2; 10.23-24

ndəhay amba a jənta ndəhay n̄ga hətəy gədan daa mey n̄ga Gazlavay a dey a, a dey a. ³ Ya sərkwə fara fara, *Kərīste na, ta key cek masa ma mbafar n̄gada ray an̄ga na, daa ba. Ama anda mawuzlalakaya daa dərəwel n̄ga Gazlavay, ma ləvey: «Ndəhay ta cədmaka la, kah Gazlavay, ama mecədey a ta vəhwa sem a ray adaw †.» ⁴ Cek hay tabiya masa mawuzlalakaya daa dərəwel n̄ga Gazlavay zleezle na, ara n̄gaa sərkadandakwar mey masa fara fara, amba ya pakwa len̄gesl fa cek masa Gazlavay ma ləvey a vəldandakwara la heyey. Ya pakwa len̄gesl na, maja mey mawuzlalakaya daa dərəwel n̄ga Gazlavay fa vəndakwar gədan, asaya, fa jəndakwar amba ya bəskwa banay. ⁵ Anja Gazlavay ndaw ma vəltar gədan a ndəhay ta ma dəktar mevel a ndəhay n̄ga vəkwar mewulkey maaya amba ka n̄jam akwar macəmkaya dəy pal anda Yesu Kərīste ma wudəy. ⁶ Anda kedə, akwar tabiya daa slam a, ka da cəmdamara dəy akwar pal n̄ga həlmey Gazlavay papan̄ n̄ga Bay aləkwa Mahura, Yesu Kərīste.

Mey da ray ndəhay cəpa ma da həlmamara Bay Gazlavay

⁷ Təbmata ndəhay siya hay anda *Kərīste ma təbkwar. Təbmata amba a həslmar ray a Gazlavay. ⁸ Ya fa ləvkwar fara fara, Kərīste a sawa a bəla na, n̄ga katar sləra n̄gada *Jəwif

† **15:3** 15.3 mecədey a ta vəhwa sem a ray adaw: Fedə a wudəy n̄ga ləvey «mecədey a vəhwa a ray Yesu Kərīste». **15:3** 15.3 Ps 69.10 **15:4** 15.4 1Kwr 10.11; 2Tm 3.16 **15:5** 15.5 12.16; Fəl 2.2-5 **15:7** 15.7 14.1

hay amba a wuzdatara Gazlavay na, ara ndaw ma mbørzley ba. A sawa na, nga key cek masa Gazlavay ma ləvtar a papaŋ nga papa ata hay zleezle a katara la heyey.⁹ Asaya, a sawa na, amba ndəhay masa Jəwif hay ba a həslmar ray a Gazlavay maja maaya aŋga, anda mawuzlalakaya daa dərewel nga Gazlavay zleezle, ma ləvey:

«Ara maja keđe, yah ma da həslka ray
fa mey nga ndəhay masa Jəwif hay ba hay.
Ya da həlmaka ta walay.»

¹⁰ Mawuzlalakaya daa dərewel nga Gazlavay saya, a ləvey:

«Akwar ndəhay masa Jəwif hay ba,
sasəmam daa slam a ta ndəhay nga Ga-
zlavay.»

¹¹ Mawuzlalakaya saya, a ləvey:

«Akwar ndəhay Jəwif hay ba, həlmamara Bay
Gzlavay.»

Anja kwa ndaw daa səkway wura wura
nga həlma Bay Gazlavay.»

¹² *Izay, *ndaw ma təla mey nga Gazlavay taa
guzley la saya, a ləvey:

«Ndaw a yawa la daa səkway nga Jese,
a da key bay nga ndəhay masa Jəwif hay ba
may.»

Ndəhay masa Jəwif hay ba na,
mewulkey ata aa da ray ndaw aha amba a
ləhdata.»

15:8 15.8 Mt 15.24; SNM 3.25-26 **15:9** 15.9 Ps 18.50; Rm 11.13

15:10 15.10 Mew 32.43 **15:11** 15.11 Ps 117.1 **15:12** 15.12

Iz 11.10

¹³ Anja Gazlavay, ndaw ma vøltar gødan a ndøhay amba a pam lenjesl a ray a heyey na, nga sømdakwar mandaw mandaw, anja nga njadakwar daa zazay maja akwar ma pamara nga ndaw akwar fara fara. Anda kefe, cek masa anga ma da vøldakwara ha na, akwar fa sækwmara ta gødan nga *Mesøfney nga Gazlavay.

Mey da ray sløra nga Pawl

¹⁴ Mølma adaw hay, yah ta ray adaw ya fa løvkwar, ya søra, fara fara akwar na, ndøhay ma wudam nga key cek maaya. Ka sørmara mey masa fara fara, ka gwamara nga køtmata ndøhay mekele ta mey a. ¹⁵ Ta ngene he cøpa, daa leeter adaw kefe, mey hay masa akwar ma cøndamara cay døga zleezle na, ya sørfadakwara saya, ya zlurey ba. Ya zlurey ba na, maja Gazlavay ma kaya maaya la, ¹⁶ a paya nga key sløra nga Yesu *Køriste ngada ndøhay masa *Jøwif hay ba hay. Yah ma vølda ray adaw la fara fara ngada Gazlavay nga wuzey Mey anga maaya mawiya. Ya wuzdatara mey a, a ndøhay masa Jøwif hay ba, amba a tøram nga cek mavøldakaya ngada anga masa ma mbafar kalah, cek masa *Mesøfney nga Gazlavay ma pa wal ngada Gazlavay a. ¹⁷ Anda kefe, ya faa sømey ga da ray sløra nga Gazlavay masa yah ma ka maja yah na, macømkaya ta Yesu Køriste. ¹⁸ Kwa ya fa da gwa nga guzley da ray cek mekele na, daa ba, si da ray sløra masa

15:13 15.13 5.1-2; 8.14-16, 24-28; 12.12 **15:15** 15.15-16 1.5

15:16 15.16 Føl 2.17

Kərıste ma ka ta fa yah, amba a handatərwa ndəhay masa Jəwif hay ba hay ɲga namar ray a Gazlavay. A handatərwa na, ta fa mey masa yah ma wuzda leɲ ta fa cek masa yah ma kata.

¹⁹ Asaya, a handatərwa na, ta fa maazla hay mekele mekele ma rəzley ndaw masa aɲga ma kata leɲ ta fa gədaɲ ɲga Mesəfney aɲga. Anda kefe, yah ma wuzda *Mey-maaya-mawiya ɲga Kərıste la dəga da *Jeruzelem haa kasl aa hwayak ɲga Iliri. Ya ta wuzda mey a la tabiya maaya maaya daa slam hay a ɲgene. ²⁰ Anda meləvey, ya wuzey mey a na, daa hwayak hay masa ndəhay ma cəndamara mey da ray Kərıste daa ba araɲ. Ya wufey ɲga wuzey mey a daa hwayak hay masa ndəhay ma cəndamara mey da ray Kərıste cay ba, maja ndəhay a da wulkam ara anda ya ləmey way a ray salay ɲga way masa ndaw mekele ma pa. ²¹ Ya ka anda kefe na, ya wufey ɲga key anda mawuzlalakaya daa dərewel ɲga Gazlavay, ma ləvey:

«Ndəhay masa ta wuzdamatara mey

da ray a daa ba araɲ na, a hətmar la ta dey ata.

Ndəhay masa kwa ta cənam mey

da ray a daa ba na, a cəndamara mey a la.»

Pawl a wufey ɲga daw a Rawm

²² Yah ma wulkey la dey ga ɲga daw fa akwar a *Rawm, ama ya ta hətey har daa ba maja sləra ha kefe. ²³ Mevey ga, ya ta wufey la ɲga daw

15:18 15.18 2Kwr 3.5 **15:19** 15.19 Mk 16.17; 2Kwr 12.12

15:20 15.20 1Kwr 3.10-12; 2Kwr 10.15-16 **15:21** 15.21 Iz 52.15

15:22 15.22-24 1.9-13

fa akwar, ama slëra ta tøkya sem. Wure keɗe na, yah ma ndøvda slëra aɗaw cay daa hwayak hay feɗe. ²⁴ Ya wuɗey nga daw fa akwar dëba nga njawa nekøɗey nga kawa matakɓam akwar. Fa dëba ha, ya daw la aa hwayak nga Espay. Yaw, ya wuɗey ka jønmayya nga daw ngadaa hwayak a. ²⁵ Ama wure keɗe na, ya wuɗey nga daw fa ndøhay nga Gazlavay da *Jeruzelem ɗagay nga jøntørwa, ²⁶ maja ndøhay daa *mecømey-ray nga ndøhay nga Yesu da Masadøwan ta da Akay ta cakalam dala la nga jøney masa-viya hay daa mecømey-ray nga ndøhay nga Yesu da Jeruzelem e. ²⁷ Ara mevel ata ma wuɗey nga cekeley dala ha. Ama fara fara si a jønmata ndøhay a maja ara cek anda døvaz. Ya løyey anda keɗe na, maja ndøhay da Masadøwan ta da Akay a ata *Jøwif hay ba, ama ta høtam maaya nga Gazlavay la ta fa Jøwif hay. Anda keɗe, a nga maaya amba ndøhay Jøwif hay ba hay a, a jønmata ndøhay Jøwif hay ta zleley ata hay may. ²⁸ Da yah ma ndøvðørwa slëra ha cay da Jeruzelem e, asaya, da yah ma vøldatara dala macakalakaya heyey cay a ndøhay fetefe na, ngene, ya daw aa hwayak nga Espay dëba, ama ya da daw na, ta fa akwar. ²⁹ Ya sëra, da yah ma wusey la fa akwar na, *Køriste a pøskwar mey la maja yah ma daw a.

³⁰ Mølma aɗaw hay, ambahw, kakwa gøɗan nga døyey ɗangay a Gazlavay ta mevel aløkwa cøpa maja yah. Yaa cøɗɗakwar kaa na,

ta mezəley nga Bay Mahura Yesu Kəriste, asaya, yaa cəfdakwar maja mewudəy-vaw masa *Mesəfney nga Gazlavay ma handərwa a wuzlah aləkwa. ³¹ Dəram dənğay na, amba ndəhay ma səra Yesu Kəriste ba da *Jude a sərdamaya banay ba. Dəram dənğay saya, amba cek masa yah ma da handatara a ndəhay nga Yesu da Jeruzelem heyey na, a təbmara ta meesəmey. ³² Anda kedə, da Gazlavay ta təba la na, ya wusey la fa akwar ta meesəmey. Da yah ma wusey la na, ya məskey vaw la nekədey da wuzlah akwar. ³³ Anja Gazlavay, ndaw ma handawa zazay mandaw mandaw a ray ndəhay, nga njeý ta akwar tabiya. *Amen.

16

Pawl a catar har a ndəhay siya da Rawm

¹ Ya faa guzlkwar da ray dam-mama aləkwa Febe, nğwas ma jənta ndəhay daa *mecəmey-ray nga ndəhay nga Yesu da Senkəre.

² Təbmara nğwas aha maaya maaya ta mezəley nga Bay aləkwa Mahura. Təbmara na, anda ndəhay nga Yesu ma təbam ndəhay. Da cek fa vəda daa ba na, jənmara maja anğa ta jəney ndəhay la ga. Kwa yah may, ta jənya la.

³ Camatar har nğada ata Pəriska ta zel e Akilas.

Ara ndəhay masa ala ma kam sləra nga Yesu *Kəriste bama. ⁴ Ara ndəhay masa ma

15:30 15.30 2Kwr 1.11; Ef 6.18-19; Kwa 4.3; 2Tes 3.1-2 **15:31**
 15.31 SNM 21.10-11; 1Tes 2.14-15 **15:32** 15.32 1.7 **15:33**
 15.33 1Tes 5.23 **16:1** 16.1 SNM 18.18 **16:3** 16.3 SNM 18.2,
 18-19, 26

vøldamara ray ata la amba a løhdamaya daa memøcey. Ya fa katar suse ga. Ma katar suse he na, yah daada ba, ama ndøhay cøpa masa daa mecømey-ray nga ndøhay nga Yesu Køriste masa *Jøwif hay ba fa kamatar suse may.

⁵ Camatar har a ndøhay nga Yesu masa ma kusam da way ata.

Camar har a Epayinet, jam adaw masa yah ma wuda kalah, ndaw masa ma tøba mey nga Køriste ngeeme daa hwayak nga Azi.

⁶ Camar har a *Mari, ngwas masa ma kakwar sløra la ga.

⁷ Camatar har ngada ata Andørawnikus ta Juniyas. Ara sækway adaw hay, ya ta zømam dangay la bama. Ata na, ara ndøhay meslørey nga Yesu masa ndøhay ma sørmata maaya maaya. Ata na, a tøbmara mey nga Køriste teesed da ray adaw.

⁸ Camar har a Ampøliyatus, jam adaw masa yah ma wuda kalah daa mecømey-ray nga ndøhay nga Yesu Bay Mahura.

⁹ Camar har a Urbeñ, ndaw masa aløkwa ma kakwa sløra nga Køriste bama. Camar har saya ngada jam adaw Estakis.

¹⁰ Camar har a Apel, ndaw masa ma sørey banay ga maja Køriste, ama ta njeý la anga ndaw nga Yesu fara fara cønga.

Camatar har ngada ndøhay da way Aristawbul may.

¹¹ Camar har a sækway adaw Herawdiyanw.

Camatar har ngada ndəhay daa səkway nga Narsis ma təbmara mey nga Bay Mahura.

¹² Camatar har ngada ata Tərifən ta Tərifawz, ndəhay masa ma kam sləra la ga ngada Bay Mahura.

Camar har may ngada jam adaw Persit, masa yah ma wudə kalah. Ara ngwas ma key sləra la ga ngada Bay Mahura.

¹³ Camar har ngada Rufus, ndaw masa fa səpa mey nga Gazlavay ta cəved e. Camar har a mamaha masa ma wadaya vaw anda anga mamay.

¹⁴ Camatar har ngada ata Asinkərit, Fəlegwan, Hermes, Patərawbas, Hərməs, asaya, camatar har ngada məlman hay daa mecəmey-ray nga ndəhay nga Yesu masa ata bama.

¹⁵ Camatar har ngada Filalagw, Juley len Nere ta dam-mamaha. Camar har ngada Awlimpas, asaya, camatar har ngada ndəhay nga Yesu masa ata bama.

¹⁶ Cam har da wuzlah akwar cəpa pal pal, akwar məlman hay daa Yesu Kəriste. Ndəhay daa mecəmey-ray nga ndəhay nga Kəriste cəpa a camakwar har.

Mey nga madagway-dakw

¹⁷ Məlma adaw hay ya fa kakwar ambahw, pam lenğesl ta ndəhay ma handamawa mewudkey-day a wuzlah akwar maja a da nəsmara meesərkey masa akwar ma cəndamara

da ray *Køriste. Ka da njam ta ata daa slam a ba.
¹⁸ Fara fara, səkway nga ndəhay anda ngene na, fa kamar sləra a Køriste Bay aləkwa Mahura daa ba, ama a kam sləra na, maja hwaɗ ata daada gway. Faa zəɗdamata ndəhay masa ma səra cek ba ta mey ata hay maaya maaya masa ma betey ndəhay. ¹⁹ Ndəhay tabiya a sərmara akwar fa namar ray ngada Bay Mahura, ara maja ngene, ya faa səmey ga da ray akwar. Cek mahura na, pam lenɟesl nga wunkey cek masa maaya ta maaya ba. Cek masa maaya ba na, ka da kamara ba. ²⁰ Gazlavay, ndaw ma handawa zazay a ndəhay na, a fəna *Satan la ta gədan, a da pa Satan a asi salay akwar. Anja maaya nga Bay aləkwa Mahura Yesu nga njeɟ ta akwar.

²¹ Timawte, ndaw masa ala ma kam sləra cew e, a cakwar har. Ndəhay aɗaw hay ata Lusiyus, Jasanw len Sawsipater a camakwar har may.

²² Yah Tertiyus, ndaw ma wuzlala mey nga Pawl tabiya daa leeter keɗe, ya fa cakwar har ta mezəley nga Bay Mahura Yesu, ndaw masa ma cəmindakwar.

²³ Gayus, ndaw masa yah ma njeɟ da way anɟa a cakwar har. Ara ndaw masa ndəhay nga Yesu ma kusam da way anɟa nga dərey dangay. Eraste, ndaw ma kərza dala nga ngwamna daa berney feɗe, ta məlma aləkwa Kartus a camakwar har may.

16:17 16.17 Mt 7.15; 2Tes 3.6; Tit 3.9-10; 2Jn 10 **16:18** 16.18 Fəl 3.19; Kwa 2.4 **16:19** 16.19 1.8 **16:20** 16.20 1.7 **16:21** 16.21 Timawte: SNM 16.1 **16:23** 16.23 Eraste: 2Tm 4.20

[²⁴ Anja maaya nga Bay aləkwa Mahura Yesu Kəriste nga njeý ta akwar tabiya. *Amen.]

Mehəlmey Gazlavay

²⁵ Həlmakwa Bay Gazlavay. Anğa na, a gwa a vəkwar gədanj nga njeý daa cəved anğa ta fa *Mey-maaya-mawiya masa yah ma wuzdatara a ndəhay da ray Yesu *Kəriste. Zleezle na, Mey-maaya-mawiya ha mabadakaya fa dey nga ndəhay. ²⁶ Ama wure keđe na, meý a ta wuzwa cay ta fa ndəhay ma təla meý anğa ma wuzlalamara zleezle da ray Kəriste. Anda keđe, səkway hay masa *Jəwif hay ba da bəla tabiya ta jəkam sləmay fa meý a la anda Gazlavay ma ləvey, Gazlavay masa aa ta dey nga sərmataw. A wudəy ndəhay tabiya a jəkam sləmay fa Mey-maaya-mawiya ha, amba a təbmara, a namar ray.

²⁷ Anja ndəhay nga həlmamara Gazlavay nga sərmataw! Ara anğa pal taava anğa, ndaw ma səra cek. Həlmakwa maja Yesu Kəriste. *Amen.

lxxx

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811